

四庫全書

史部

欽定四庫全書

續宋編年資治通鑑卷十三

宋 劉時舉 撰

宋寧宗二

壬戌嘉泰二年春正月癸亥蘇師旦兼樞密院都承旨
師旦本平江府書佐韓侂冑項為本府兵馬鈐轄從府
假筆吏吏以其冷局俾師旦行韓滿歸蘇復還府下丘
密為守嘗以事怒師旦編管秀州久之韓知閣門事師

旦困甚往依之韓憐而寘之門下未久上登極韓以師
旦竄名藩邸吏士內遂用隨龍恩得官韓以其辯慧愛
之高宗實錄成己巳雷二月弛學禁初學禁之
行也京鎧何澹劉德秀胡紘四人者實主其議為韓侂
胄斥逐異己者羣小附之牢不可破慶元五年二月紘
罷吏部侍郎七月德秀自吏部尚書出知婺州六年八
月鎧以左相死於位去年七月澹罷知樞密院魁儉盡
去侂胄亦厭前事欲稍示更改以消中外意時亦有勸

其開黨禁以杜他日報復之禍者侂冑以為然甲申追復趙汝愚資政殿學士 戊子頒治縣十二事以風厲縣令 癸巳禁行私史 二月辛亥詔舉邊郡官 己未初命提刑以五月按部理囚 詔薦舉除陞改自代十科外悉罷 夏四月庚寅雨雹 辛卯禁經營留闕者 復太學混補試 五月甲辰朔日有食之 己巳賜傳行簡四百九十有七人及第出身有差 六月己卯臨安府災 壬寅浚浙西運河 己亥禁冒發充軍

秋七月不雨 八月袁說友同知樞密院事 癸未

建寶謨閣奉藏光宗御集 己丑詔作壽慈殿請太皇

太后還內 甲午慶元條法事例成 九月己酉上朝

壽慈宮 甲寅修皇帝會要 丙寅嗣秀王伯圭薨

庚午臨安府奏野蠶成繭 冬十月壬申以通判主管

總所財賦 追復朱熹職名以煥章閣待制致仕 十

一月庚子陳自強知樞密院事許及之參知政事 丁

卯皇帝日厯成 庚午命賊吏毋使予祠 十二月甲

戊日中有黑子 甲申立貴妃為皇后 韓侂冑為太師

呂中曰外戚不得預政此祖宗家法也自建隆至紹熙列聖相承不敢失墜雖以曹侂之賢處帝舅之重神宗皇帝欲除侂為中書令而呂中公力言其不可聖君賢相所以防微杜漸之意蓋可見矣惟政和六年鄭居中由顯肅皇后之親拜為太宰此已往之失不可效尤也侂冑何人夤緣戚里干預朝政且躡取

帝師之任是祖宗三百年之家法至仇胄而盡壞之矣他日兩觀之誅其能免乎

庚辰大閱 閏十二月乙未詔講官開陳經義 宗

室曦拜威武軍節度使封衛國公 復周必大少傅觀

文殿大學士 是冬皇子垕生未踰月薨追封華王諡

曰冲穆 詔修孝宗光宗實錄 臺諫侍從紹興末年

臺諫每月必一請對密官每月必一言事從官兩月必

一求見否則謂之失職自仇胄扼塞言路從官既不言

事而臺諫亦多牽掣月終必舉按小吏一二人謂之月課凡釐務官州屬曹掾簿尉監當皆在此列又有泛論君德時政皆以陳熟緩慢者言之或問之則愧謝曰聊以塞責聊以藉手而已聞者哂之 賑諸州水旱

癸亥嘉泰三年春正月丞相謝深甫罷 壬午置湖南溪洞總首 戊子龍州蕃部寇邊 甲午參政張巖罷 丙申陳自强以樞密兼參知政事 丁酉雷 戊戌

幸太學謁大成殿御化原堂命國子祭酒李寅仲講尚

書幸武學謁武成殿監學官進秩一等諸生推恩賜帛
有差 袁說友參知政事是春謝深甫初免相許及之
為參知政事既命陳自强以員外兼權又命說友蓋三
員也嘉定初命雷孝友婁機樓鑰亦三員遂為故事至
九月說友罷政事 傅伯壽簽書樞密院事以老病除
集英殿修撰知夔州 費士寅簽書樞密院事 二月
乙巳冊皇后楊氏 乙丑再竄王德誦於新州 三月
久雨詔大理三衙臨安府決繫囚 乙酉幸聚景園

夏四月己亥朔日有食之 壬寅福州言瑞麥生 李

運言兩淮鐵錢交子利害詔戶部相度至是出封樁庫

交子一百萬命轉運司收民間鐵錢 乙卯陳自强等

進徽宗孝宗玉牒光宗實錄 五月戊寅陳自强為右

丞相以許及之知樞密院事兼參知政事 不雨詔釋

杖以下囚 秋七月辛未出封樁錢造戰艦 壬午同

安漢陽蘄春三監罷鑄錢 白虹貫日 癸未禁抑納

逃囚 九月壬申立宗子希璫為孝宗長子鄧王愔後

癸酉命鐵冶司毋得私毀錢為銅 冬十月庚子呂

祖泰任便居住 丙午命兩淮諸州以仲冬教閱民戶

萬弩手 丁未大風 戊申龍州蕃部降 十一月甲

戌詔南郊加祀感生帝太子庶子等星 赦天下 癸

未大風 己丑更定選人改官法 庚寅復置福田居

養院 十二月辛酉詔戒將帥培克 金國盜起沿邊

聚糧增戍且禁襄陽府榷場懼宋朝乘其隙也朝廷聞

其事乃以參政張巖帥淮東樞密程松帥淮西以侍郎

丘室守四明防海道以大卿辛棄疾帥浙東時武帥鄭
挺在襄陽力求去以李奕為荆鄂副都統兼知襄陽松
為父喪辭改命廣帥薛叔似而叔似不行遂命侍郎宇
文紹節代之又徙辛棄疾以次對守京口起資政趙彥
逾守四明出知院許及之守金陵及之不欲行乃命室
以直學士代典留鑰其開邊釁蓋自此始 御筆命監
司郡守申交割數 張孝仲以安撫司幹辦除成州後
以諸司屬官係京官考理通判任一次自此始

甲子嘉泰四年春正月乙亥大風 庚辰貶內侍甘昺

癸未日中有黑子辛卯雷壬辰雨雹 西浮洞逃軍

為亂 盤量北邊積糧 辛棄疾入見言敵國必亂必

亡願付之元老大臣當備兵為倉卒應變之計佐冑大

喜 二月壬子蠲臨安府逋負酒錢 己未立試刑法

避親法 庚辰夜有赤氣亘天 三月丁卯臨安府火

災 壬申禁質賣軍器 辛巳立添差及祠廟限員

夏四月命內外諸軍詳度屯隊法 甲辰以知院許及

之守金陵為出師計不行而罷 賑恤江西州縣水旱

乙巳費士寅兼知樞密院事張孝伯參知政事錢象
祖賜出身同知樞密院事 丙辰詔選舉禁請囑受私
書之弊 五月乙亥詔舉將材 追封岳飛為鄂王

六月丙申置諸軍帳前雄効 韓侂胄却生日賀儀仰
進奉官徧行關報議者謂大臣却四方之饋未有自奏
邸行下諸路蓋僭也時士大夫或獻紅錦壁衣承塵地
衣之屬修廣高下皆與中堂等蓋密量其度而為之又

有獻紅牙果卓珍珠搭幡光耀奪目以媚侂冑其後或
遇侂冑生日大臣以下皆排列所獻於天慶觀之廡下
都人競往觀焉 己亥詔改明年元 壬子禁州縣按
私籍沒民產 甲辰再蠲臨安府身丁錢 六部架閣
非闕官勿除 總所令監司算綱運

乙丑開禧元年春正月癸丑初置澈浦水軍 壬午雨
雹 賜蘇洵謚曰文 二月丙午蠲臨安府酒稅錢

乙卯雪 竈翁點新州先是有旨召點赴行在御史徐

桷劾點貪黷嗜進等事遂寢是命點聞之上章自辨察
官為內臺刑獄之官為外臺察官論事不得其平外臺
安得泯沒而不與之直次論桷私託不行所以貽怒者
數事其末云楊輔劉起晦乃今之望人一旦報怨併論
罷之中外失望仇胄怒遂有是責 三月庚申太白晝

見 申嚴生子弑殺之禁仍令諸路文官常平官月給
錢米收養之 韓仇胄欲用兵恢復中原乃出封樁庫
金一萬兩以待賞功仇胄欲以費士寅鎮興元士寅固

辭遂罷樞密是科策士有論宜乘機以定中原者侂冑大喜用兵之意遂決四月武學生華岳上書言朝廷未宜用兵恐啟邊釁忤侂冑流建寧府金人伺知朝廷有用兵意五月遣其平章事布薩揆為宣撫使駐開封遣使來責渝盟以邊民侵掠及沿邊增戍為辭是月鎮江都統戚拱遣忠義人朱裕結漣水軍弓手李全焚漣水塞其後侍郎李壁乞斬朱裕梟首境上人皆冤之六月詔內外諸軍密為行軍之計而以程松為四川制置使

諫議大夫李大異以諫止開邊同日補外是月命教閱
禁軍八月命興元都統司增招戰兵詔侍從兩省臺諫
在外待制學士以上及內外諸軍主帥各舉將帥邊守
一二人仇胄欲風厲諸將乃封贈劉光世為廊王諡文
忠少保岳飛為鄂王中興諸將至是畢王矣又命湖北
安撫司增招神勁軍又以殿前副都指揮使郭倪為鎮
江都統守揚州十月李壁使還言兵未可輕動不聽十
一月置殿前司神武軍五千人屯揚州十二月增刺馬

軍司弩手中郎將厲仲方造戰車連弩未及用而罷去
周虎繼之用戰車敗敵於清水鎮時軍政修明人心大
喜以為恢復之期可必惜朝臣議論不一不能成功天
也 夏四月戊子朔錢象祖參知政事兼同知樞密院
事劉德秀簽書樞密院事 辛卯皇甫斌兼知襄陽府
辛丑日中有黑子 乙卯大風 五月己巳試舉人
毛自知四百三十有二人 復淳熙薦舉改官法 乙
亥詔以曦為皇子進封榮王 六月罷廣東稅場 辛

丑淮東安撫鄭挺罷 壬寅天鳴有聲 復同安漢陽
蘄春三監 乙丑陳自强上吏部七司法 秋七月庚
申韓侂冑平章軍國事兼國用使詔立班丞相上三日
一朝先是六月陳自强鄧友龍等請用本朝故事以侂
冑平章軍國事乃有是命

呂中曰國朝故事如仁宗朝呂夷簡拜司空平章軍
國重事哲宗初文彥博以太師拜平章軍國重事此
二人者皆累朝元老德碩望隆故處以是職也侂冑

何人而儉朋黨奸乃以為比易曰負且乘致寇至其是之謂乎

蘇師旦除安遠軍節度使在京宮觀領閤門事 贈趙

汝愚少保 是月不雨 置資善堂直講說書各二員

八月癸巳雨 欽宗玉牒成 九月丁亥簽書劉德

秀罷 庚午詔賊吏追還所受贓 庚戌大風 冬十

月甲子汀州守臣陳鑄更圖瑞麥以獻詔奪一官 復

置利州馬監 十一月申嚴告訐之禁 十二月修孝

宗光宗御集

詔兩浙路身丁錢絹自開禧二年以後

其永除之

戊寅金主遣禮部尚書趙之傑來賀明年

正旦之傑入見容止倨緩持國書逡巡前立若將要上
為起者閤門奪其書以進儀贊者唱云躬身立之傑端
立不動金主父顯宗名允恭同音字合與避而不避者
之傑益不平仇胄請駕還內繼有旨更以正旦相見

真里國來入貢

賑諸州水

丙寅開禧二年春正月雪

乙未增太學內舍員為百

二十人 辛丑置國用司參詳官 乙巳薛叔似宣諭

京湖 己酉雷雨雹 辛亥禁毀錢為銅 是月雅州

蠻高吟師寇邊三月進犯碉門寨四月賊焚碉門寨官

軍失利義勇軍准備將刁謙戰死提刑劉崇之檄宣撫

司調兵自行討之宣撫司調潼川隆慶府大軍各五百

合前後官軍六七千人以准備差遣王好謙與原統領

王鉞統之委崇之往軍前節制王師至高吟師出降擒

其首六十三人誅之 二月癸丑夜壽慈宮火 久雨

己卯復御正殿

三月癸巳程松宣撫四川吳曦副

之仍有節制財賦指揮且許按劾兩軍出入曦得自專
先是四川計司舊屬宣撫司節制鄭剛中在蜀秦檜惡
其專始命趙德文以少卿為之自是三司抗衡至是轉
宣撫司節制劉崇之新除總領即上章抗論辭職不允
甲午以鄧友龍為兩淮宣諭使 詔監司行部理囚
己亥幸聚景園從太皇太后遊幸 錢象祖責其懷
姦避事乃罷參政尋竄信州 張巖魚知樞密院事

已酉知處州徐邦憲入見請因立太子肆赦弭兵侍御史徐榘劾罷之

呂中曰臺諫天子耳目為朝廷爭是非辨邪正者也祖宗盛時先正名臣有識大體者有風采動朝端者有稱鐵面御史者其所彈劾往往合於衆論之公曷嘗觀望朝廷之風旨哉自王安石用事諸君子以不合去位而職糾繩者率用鄧綰李定之流小人希合始有不當劾而劾者矣且以開禧之際觀之皇嗣雖

立而儲位未正權倖輕舉而邊釁將開是二事者真當世之切務也徐枏職處風憲方且緘默不言迨及直臣有言又從而劾罷之是果何心哉邇其本情不過迎合權倖而已咄哉鄙夫真有負祖宗設官之美意矣

夏四月甲子以薛叔似為湖北京西宣撫使兩淮宣諭使鄧友龍改除宣撫使 下納粟補官令 戊辰修紹興以後鹽法 庚午追奪秦檜王爵 四川宣撫副

使吳曦兼陝西河東路招撫使鎮江都統郭倪兼山東
京東路招撫使鎮江都統趙淳兼京西北路招撫使江
陵副都統皇甫斌兼西北路招撫副使

呂中曰小人擅朝欲為專寵固位之計往往至於用
兵王呂變法生事於熙河王珪懷姦喪師於靈武繼
是則章蔡造釁於湟鄯王黼稔禍於燕雲誤國戕民
前後一律今侂冑在朝窮奸極惡海內切齒而復不
度事勢妄啟兵端三邊瘡痍生靈魚肉雖擢髮不足

數其罪矣

陳孝慶復泗州又復虹縣許進復新息縣孫武復褒信縣四川總領所奏辟以進義副尉楊巨源監興州合江倉五月陳孝慶復虹縣仇冑聞已得泗州乃議降詔仍調泉州兵赴山東路會合丙戌上內批云北敵世仇久稽報復爰遵先志決策討除宜頒詔書明示海內翌日乃下北伐之詔詔畧曰天道好還中國有必伸之理人心效順匹夫無不報之仇蠢茲勍敵猶託要盟朕生靈

之資奉谿壑之欲迹其不恭孰不含怒軍入塞而公肆
創殘使來庭而敢為桀驁泊行李之繼遣復慢詞之見
加含垢納汙在人情而已極聲罪致討屬敵運之將傾
兵出有名師直為壯言乎遠言乎近孰無忠義之心為
人子為人臣當念祖宗之憤上以北伐告於天地祖
宗社稷四川宣撫程松至漢中江州都統王大節
攻蔡州不克江陵都統皇甫斌引兵攻唐州不克興元
都統秦世輔至城固縣而軍大亂池州副都統郭倬

馬軍行司李汝翼攻宿州不克建康都統李爽攻壽州
敗績後王大節竄袁州郭倬李汝翼皇甫斌李爽等各
奪官

呂中曰恢復大計當以人才為先真宗之禦契丹必
有李繼隆石保吉然後成澶淵克敵之勲仁宗之制
夏羌也必有韓琦范仲淹然後收曩霄納款之績高
宗之抗女真者必有張韓劉岳然後剉烏珠今則總
戎三邊者誰歟吳曦特膏腴之子弟郭倪郭倬李爽

李汝翼皇甫斌諸人又皆猥瑣之庸才平居暇日不
過尅剝士卒苞苴饋賂圖為進身之梯媒甚者且外
交仇敵以伺中國之動靜矣朝廷顧以推轂制閫之
事悉以委之師纔出境而前者敗後者潰大者殲小
者奔罪甚者誅戮輕者投竄而統蜀漢之逆曦又以
叛聞用兵以來敵之損未一二而吾國之喪失敗亡
已不可勝計矣假使鄧禹聞之寧不笑人於地下乎
六月金人封吳曦為蜀王先是四月曦獻關外四州之

地求封於金十二月曦焚河池縣退屯清野源癸丑曦
自殺金平退歸魚關金人遣吳瑞持詔印授曦於冑口
曦自冑口還興州癸酉吳曦稱蜀王先一日夜興州天
赤如血照地如晝自月初有兩日相摩於初晴之時至
是復有此異 壬寅太白晝見 簡荆襄兩淮田卒以
備戰兵 戊申安丙置司於河池時為陝西河東招撫
司隨軍轉運使 甲辰鄧友龍罷兩淮宣撫使以丘索
代之駐揚州兵凡十六萬一千四百餘人 畢再遇權

山東京東招撫公事

卷十三

時諸將用兵皆敗唯畢再遇數有功金人常以水櫃
敗我再遇夜縛藁人數千衣以甲冑持旗幟戈矛儼
列成行昧爽鳴鼓金人驚視亟放水櫃後知其非兵
也甚沮乃出兵攻之金人大敗又嘗引金人與戰且
却至於數四視日已晚乃以香料煮黑豆鋪地上復
前搏金人佯為敗走金人乘勝追逐其馬已饑聞豆
香皆就食鞭之不前我師反攻之金人馬死者不可

勝計又嘗與金人對壘度金兵至者日衆難與爭鋒
一夕拔營去慮金人來追乃留旗幟於營并縛生羊
置其前二足於鼓上擊鼓有聲金人不覺為空營復
相持數日及覺欲追則已遠矣

田琳復壽春府 戊辰雅州蠻復寇邊先是官軍既殺
高吟師官軍欲深入夷界會有為石棚所壓者乃遣土
丁先往攻之提刑督捕司簽廳任處厚時在碣門寨以
狀白提刑督捕司欲焚其巢提刑除總領遂還夷人掩

官軍不備殺傷甚衆興元將張全忠戰死陳堯輔一軍盡沒即自刃而死王好謙與王金共議再與之戰壬午夷酋高奴鬼等出降韓侂胄以喪師為蘇師旦所誤乃奏劾師旦除名安置仍籍其家秋七月梁洋義士統制毋思襲取和尚原九月復陷權都統制范仲壬出師寶雞小捷未幾楊輔遺書韓侂胄言蜀兵驕糧乏暫休息以規後圖遂班師張巖知樞密院事李璧參知政事誅郭倬於靜江府置御前強勇軍以淮東安

撫司所招者為之 九月戊子雷 辛卯合祭天地於

明堂赦天下 乙巳賞復泗州功 冬十月詔內外軍

帥各舉智勇可為將帥者二人 辛酉以將帥暴露罷

瑞慶節宴 丙午金人自清河口渡淮守將郭超失利

遂圍楚州 十一月庚辰以主管殿前司公事郭杲領

兵駐真州以援江淮 辛巳金人犯棗陽軍有北來韓元

靚者至真州言金人有和意丘密遣人護送北還丙申

元靚又還得金人行省文字密以聞於朝 甲申令丘

密督視江淮軍馬金人犯神馬坡江陵副都統魏友諒突圍趨襄陽忠勇軍呂靖孫欲圖友諒友諒格殺之

戊子金人犯廬州副都統制田琳引戰拒却之真州援兵至後八日而圍解田琳襲之金人大敗而還 乙未

以湖廣總領陳謙為湖北京西宣撫副使 韓侂胄獻家財二十萬以贍軍優詔褒納 金人遊騎渡漢丁酉

金人犯舊岷州踏白軍統制王喜引兵遁戊戌金人圍和州守將周虎引戰却之敵乃引兵陷信陽軍辛丑圍

襄陽府先是敵將至趙淳焚樊城而憂悸成疾賴諸將協力守禦城得以完時蜀漢路斷金人圍兗郊不下移屯天水縣壬寅陷隨州守臣遁州人迎拜金人斂兵不殺逐之德安 癸卯太皇太后賜犒軍錢一百萬緡詔諸路招填禁軍以待調遣 甲辰金人犯真州士民奔逃溺江者十餘萬鎮江守臣宇文紹節亟具舟以濟之廩食之於是濠梁安豐及並邊諸戍皆沒矣 乙巳陷西和州後八日聞王師至而遁 十二月戊申金人圍德安府守將李師尹

拒之再攻襄陽東南西門為國兵所敗 庚戌陷成州守
臣辛禰之遁王師攻城不下明年二月始解圍去 甲寅
金人攻六合縣郭倪遣前軍統制郭僕救之過於滑浦橋
官軍大敗倪棄揚州走瓜洲渡 督府復遺書金人言和
好先是元覲還金營以文字來言和至是募得盱眙小吏
王文持書往金營大畧謂用兵乃蘇師旦鄧友龍皇甫
斌等所為非朝廷本意文等還金人答書悖慢多所要
索且謂侂冑無意於用兵則師旦豈敢專擅督府又遣書

許以送還淮北流移人及今年歲幣金人有許意朝廷
乃以報書遣陳壁持第三書以往會六合交兵第三書犯
金人廟諱金人以用兵語來使却其書而還 丁巳金人
陷大散關都統制毋思道以總管孫忠銳權都統制
癸亥魏友諒潰軍於祀泉友諒走江陵 丁卯金人犯仙
人關興州中軍正將李好義拒却之 畢再遇持重兵
江上邀擊金人累克捷會朝廷調兵畢集江上金人乃
自淮南退師惟留一統制守濠州 郭倪喪師責授果

安團練使送南康軍安置 庚午薛叔似陳謙罷以吳
獵為湖北京西宣撫使仍知江陵軍 復西浙園田募
兩淮流民耕種 四川宣撫程松自米倉山出閬州順
流以歸時吳曦已有逆謀矣

丁卯開禧三年春正月丘密罷以張巖督視江淮軍馬
先是丘密乞朝廷移書金營通好而謂金人指仇冑為
元謀乞免繫銜仇冑怒故罷密皇甫恭自汴京使回恭
奏行省完顏弼右副元帥赫舍哩志寧皆有和意且移

書都堂 金陷階州 丁亥皇子圻生 庚寅遣淮民歸

業 甲午吳曦僭位於興州下黃榜於四路召安丙為
丞相權行都省事丙稱疾不出權大安軍楊震仲以不
受偽命飲藥而死利州路轉運判官不受偽命削髮於
利州之石鐃四川總領劉崇之不受偽命曦怒命徐景
望為四川都轉運入利州逐崇之崇之遂趨成都成都
府安撫使楊輔下令稱提錢引大書開禧之號會崇之
至乃議舉兵誅曦董鎮以偽命至成都復為潼川知府

費士寅所殺 庚子彭輅奔襄陽 癸卯嚴進引兵入

成都 甲辰陳孝慶奪三官 二月戊申雪 甲寅竄

商榮 己未吳曦反書聞 以楊輔為四川制置使

葉適兼江淮制置使 不雨 庚申罷諸路添差冗員

戊辰皇子塽生 庚午金人去襄陽壬申上以金人


退始御正殿復膳 安丙誅吳曦四川平先是正月興

州中軍正將李好義與其徒謀舉義二月監興州合江

倉楊巨源至興州與丙謀丙喜明日始出視事興州進

士楊君玉引楊巨源以見李好義皆謁安丙遂定議君
玉與白子申共草密詔其略曰惟干戈省厥躬既昧聖
賢之戒雖犬馬識其主乃甘仇敵之臣邦有常刑罪
在不赦二十九乙亥未明誅曦於偽宮軍士李貴斬曦
首楊君玉宣密詔安丙權宣撫使巨源為參贊軍事先
是朝廷賜安丙帛書諭以能殺曦報國不次推賞雖
二府之崇亦所不吝於是曦已誅而朝廷未知也 三
月丁丑誅受偽命人徐景望 丁亥趙彥呐誅曦將祿

禧於夔州庚子誅吳曦露布至相 丙寅贈呂祖儉朝
奉郎直秘閣官其子一人 丁卯詔改明年元 四川
宣撫使科別糴米是歲以建康鎮江三務場徑隸提領
四川初行小會子



續宋編年資治通鑑卷十三

欽定四庫全書

史部

續宋編年資治通鑑卷十四

五

詳校官編修_臣謝振定

侍讀_臣孫球覆勘

總校官編修_臣王燕緒

校對官主事_臣陳文樞

謄錄監生_臣王宮

欽定四庫全書

續宋編年資治通鑑卷十四

宋 劉時舉 撰

宋寧宗三

戊辰嘉定元年春正月諫臺葉時等言侂冑專政無君罔上不道乞梟其首願置之淮甸積屍叢冢之間以謝天下上未欲輕從先是金求韓侂冑函首至是詔三省樞密院詳議仍詔韓侂冑冒定策功命史官改正詔

直言 壬辰史彌遠知樞密院事 許奕使金為通謝

使 戊申追復趙汝愚觀文殿大學士諡曰忠定 壬

子賑流民 甲寅雪 戊午再竄程松 甲子罷劉德

秀遺表贈官 郴州黑風洞寇為亂 三月詔曰奸倖

弄權相與同惡上下交利賄賂通行監司郡守並相倣

倣貪婪無厭狼籍已甚繼自今各務精白一心其有緣

公濟私尚為故態必罰無赦 復秦檜王爵贈諡以復

議講和故也 辛卯詔梟韓侂冑首於兩淮先是王柟

自軍前還行在議以韓侂冑函首事易淮陝侵地諸司百官詳議議者皆言和議重事待此而決姦凶已斃之首又何足惜是日詔臨安府令副將尹明斲棺取首送江淮制司仍諭諸路安撫制司以函首事

議曰庶人之讐釋禮記者猶可盡五世矧有天下者乎齊襄復九世之讐春秋大之我宋之於金不共戴天之仇也侂冑無謀浪戰固可罪矣然乃至於函首乞和何也當時太學諸生之詩曰晁錯既誅終叛漢

於期已入竟亡燕此但以利害言耳蓋未嘗以名義
言也譬如人家子孫其祖父為人所殺其田宅為人
所吞有一狂僕佐之復讐謀踈計淺迄不能遂乃歸
罪此僕還之讐人使之甘心焉可乎哉

丁酉謝奕使金為通謝使 汰鎮淮軍 是春皇子埴
生 利州兵老小喧闐 夏四月詔科別羣臣奏䟽可
行者以聞 上以彭龜年常權臣用事之始首能折其
奸萌可贈龍圖閣直學士諡忠肅又以呂祖泰上書忤

侂冑配欽州與改正罪名特授迪功郎 壬申雨雹

早詔決繫囚 甲申詔皇子侍立朝殿 丁酉詔求言

五月親試舉人賜鄭自成等四百二十有六人及第

甲子太白經天 蝗 六月庚午金人歸大散關

辛未歸濠州 乙亥衛涇罷 甲申簽書林大中薨於

位 丙戌詔舉邊守 秋七月癸丑丘富同知樞密院

事 甲寅許奕使回 八月辛未同知丘富薨 侍從

臺諫兩省詳議會子折閱利害 辛巳婁機同知樞密

院事樓鑰簽書樞密院事 丙戌詔考訂監司守令所條

民間利害擇其可行者以聞 甲午賑江淮流民 九

月金國諭成使完顏侃僑宇入見詔以和議成諭天下

呂中曰和戎國家之不得已也然必先折其氣而後

可以要其成真宗鑾輿親征達蘭授首我是以有紹

興之和今也嘉定之和敵有求於我歟我有求於敵

歟彼欲得權倖之首則與之彼欲增歲幣之數則與

之屈已而和皆由於我敵人巧詐能無易我之心乎

未及數暮渝盟犯順三邊瘡痍生靈魚肉然則和議詎可恃即是必有以任其責者矣

乙丑大風 背寇軍謀為變有告變者乃捕為首八人誅之 冬十月錢象祖為左丞相史彌遠右丞相雷孝友知樞密院事兼參知政事樓機參知政事樓鑰同知樞密院事 己卯褒錄慶元上書楊宏中等六人 趙崇憲奏乞辨雪父汝愚讒誣等事有旨蔡璉著除名加配十一月四川收兌九十界錢引 庚子四川初行當

五錢 戊午史彌遠丁母喪皇太子請賜彌遠第於行
在令就第行服許之 乙丑李大用謀為變不克 丙
寅錢象祖罷 貶李沐再奪三官 己卯黎州蠻蓄卜
寇邊 金主璟死九濟立

己巳嘉定二年春正月詔內外條陳節用事 丁巳樓

鑰參知政事張良能同知樞密院事宇文紹節簽書樞

密院事 庚申詔舉監司郡守 二月庚午黎州蠻蓄

卜寇邊 壬午詔稱提楮幣之策 丁亥罷法科試經

義 戊子大風 熒惑入太微垣 三月丙申雨雹

庚申恤流民 夏四月蝗 戊辰汰淮襄忠義民兵歸

農 辛未詔條明堂冗費 都城疫 戊子賜楊震仲

謚曰節愍 五月史彌遠起復右丞相 早詔決繫囚

侂冑黨人羅日愿謀為變磔於市 侍從兩省臺諫

各舉有政績才望者二人以補郎官之闕 蝗 癸丑

詔以戶口為殿最 甲寅拘回田會 旱 秋八月甲

子行鐵錢於沿江八州 乙丑安丙為四川制置大使

罷宣撫司為制置司 甲戌冊皇太子 己卯黎州蠻

寇邊 丙戌賑兩淮饑民 九月辛丑合祭天地於明

堂赦天下 丙午增太學內舍生十員 冬十月丁亥

補京湖廂禁軍 十一月張林等謀作亂不克 甲午

修浙西水利 乙未雪以歲饑罷宴 郴州黑風峒寇

李元礪作亂 十二月賜李顯忠謚曰忠襄 賜朱熹

謚曰文忠

慶元以來權倖擅朝偽以排天下之正學黨以空天

下之名流人心憤鬱久矣今權倖誅殛天日開明海
內翹首以觀惟新之化而聖意首舉節惠之典於文
公一時學者知所趨向矣豈非吾道之幸哉

乙亥詔諸州毋糴職田租 是歲諸路旱蝗 揚楚
衡郴吉州南安軍盜起 關外諸將私役諸軍

庚午嘉定三年春正月詔招諭羣盜 詔戒監司守令

丙午雨土 癸丑雷 二月黎州蠻復寇邊至冬青

羌奴兒結之子曳失索降 丁卯配籍賊吏 壬午命

王居安督捕洞寇 三月丁酉蠲逋負 捕殺楚州賊

首胡海 久雨 夏四月李元礪犯南雄州十一月迫

贛州南安軍十二月就擒 丙寅詔恤殘破州縣 戊

辰賑行在軍民 五月詔去年旱蝗百官應詔封事兩

省擇可行者以聞 乙巳命督捕海寇 戊申經理兩

淮屯田 庚戌以江陵忠勇軍隸御前 久雨命賑貧

民 朱熹贈中大夫寶謨閣直學士 贈處士蔡元定

迪功郎制曰士之遇不遇命也其或擯斥於生前而獲

伸於死後天理昭昭未久而不定者爾學問有源操
履無玷杜門著書初無預於世故不幸見誣亦遭遠謫
今是非已定爾則殂矣其贈以官慰爾泉下死雖莫贖
尚知享哉 六月丁巳朔日有食之 己卯詔核實軍

籍 秋七月辛卯禁增廣園田 癸卯定南班宗室員

八月乙亥大風拔木 是月臨安府蝗 詔三衙江

上詣軍陞差將校必以材藝年勞 冬十月乙丑詔四

川總領所毋受宣撫司節制 壬申雷 十一月癸巳

賞楚州平賊功 乙巳議收浮鹽 十二月丙辰詔安
集流民 戊午樓機罷 京尹趙師霁罷時有武學生
犯事師霁捷之逐出國門諸生訴之遂罷

辛未嘉定四年春正月叙州蠻攻陷利店寨 詔安集

殘破諸州 二月乙卯誅李元礪以羅世傳擒元礪功

授武翼郎乞換文資乃授通直郎 丙子雹 辛巳罷

廣西諸州牛稅 閏二月丁未大風 三月都城疫

劉世雄為沔州將謀據仙人原為亂事覺伏誅 叙州

蠻犯籠鳩堡 夏人叛金夏人始為韃靼所攻遣使求

救於金人金主允濟新立不能救韃靼至興靈而反夏

人恨之遂叛 韃靼國入貢金國金主允濟欲襲之金

之紀軍有詣韃靼告其事者韃靼疑未信言者再至韃

靼遣人伺之得其實遂遷延不進 夏四月兩浙福建

州縣禁折鹽酒 四川關外旱 禁諸軍虛數冒請

四川置安邊司以經制蠻事俾李夏季允與許奕子然

共領之 五月戊辰親試舉人趙建大四百六十有五

人眉人史公亮呂天應援李僑故事請掛冠詔循故事
即致仕 劉燾輪對乞開偽學禁 秋七月壬戌太白

晝見

韃靼國兵攻金人命江淮荆湖四川謹邊備

韃靼國兵與金人戰於灰河凡三日勝負未決青吉斯
皇帝選精騎三千馳擊之金人大敗金帥執中以百騎
奔還韃靼國兵至翠屏口金人又大敗九月攻奉聖州
後二日破之進軍野狐嶺金人又敗十月韃靼兵至晉安
縣距燕京百八十里 八月辛丑雷 九月辛酉雷

叙州蠻寇邊 乙亥羅世傳為其黨所殺 冬十月己

卯朔更定玉牒凡例 十一月己酉朔日有食之 癸

丑賞平峒寇功 十二月體訪會子價 是月竄張鎡

壬申嘉定五年春正月詔諸路通行兩浙倍役法 壬

申李好義以誅吳曦功賜諡忠壯 韃靼國兵至居庸

關金將完顏福柔關遁金主允濟以細軍五千自衛欲

奔南京會細軍自相激厲誓死迎敵韃兵損折頗多遂

斂兵 二月壬午詔罷軍興以來借補官 三月庚戌

叙州蠻酋米在降 久雨詔決繫囚 丙子申嚴捕盜

改官 五月庚午詔諸路坑冶州以通判縣以令丞主

之 癸酉南安國王李龍翰卒子昊旦嗣之 詔州縣

見役人毋納免役錢 六月己酉禁銅錢過江 秋七

月庚申賞降叙州蠻功 戊辰雷雨毀太廟屋詔避殿

減膳 九月丙午太白晝見 己酉續編中興禮書成

庚戌遵義寨夷楊煥來獻馬 辛未罷沿海諸州海

船錢 是月四川復榷石脚井鹽 冬十月詔諸路總

領官歲舉將帥二人安撫提刑舉將材二人 詔侍從
臺諫兩省集議釐正光宗配饗功臣 戊戌雷 十一
月壬戌日南至祀天地於圜丘大赦天下 十二月蠲
濠州稅一年 壬午詔諸路轉運司參政州縣新舊稅
籍蠲其橫積之數 收兌第五界舊會

癸酉嘉定六年春正月宇文紹節薨 詔侍從臺諫兩
省官帥守監司各舉人才一二人 二月丁丑太白晝
見 丙戌上吏部條法總類 丁亥雪 乙未詔宗室

母與胥吏通姻 十一月參政樓鑰罷 夏四月丙子

章良能參知政事 甲午復法科試經義 五月不雨

詔釋繫囚 丁卯措置四川支移錢物 戊辰修寬恤

詔令 六月諸州未決之訟詔刑部歲終上於尚書省

擇其最久者罪之 丁丑董居誼使金值金國亂而回

丁亥復監司減否守令及監司郡守舉廉吏所知法

丙申詔諸軍主帥各舉堪為將帥者二三人 秋八

月詔諸路監司帥臣各舉所部官吏才行卓絕績用彰

著者 庚午知思州田宗範謀作亂夔州安撫司討平之 金人弑其主允濟豐王珣立韃人攻金金國內亂詔四川謹邊備真德秀使金中道而回九月韃靼國兵至紫荆關距燕京二百里金副元帥舍哩執中欲誘其兵南至涿易乃聚兵擊之韃靼破涿易至皂河之內欲渡橋執中方病足乘車督戰韃兵大敗翌日再戰執中瘡甚不能出遣高琪以紂軍五千拒之失期不至執中欲斬之金主珣以其有功諭令免死執中益其兵令出

曰勝則贖罪敗則誅無赦高琪出戰自夕至曉忽北風大作吹石揚沙不能舉目高琪軍大潰自度必為執中所殺遂引糺軍圍執中之府突入其卧內殺之於是青吉斯皇帝留其將薩木哈圍燕京而自將所降楊伯遇劉伯林漢軍四十六都統同韃靼大軍分為三路攻取河北河東諸州郡是時中原諸路之兵皆簽往山後一帶防禦無兵可守悉簽鄉民為兵上城守禦韃靼盡驅其家屬來攻父子兄弟往往遙相呼認至是人無固

志所至郡邑望風而降自冬至明年春破金人九十餘
郡 甲辰蠲京湖逋負 三省樞密院向以小使臣為
之監門官至是命京朝官為之 閏九月戊辰詔御史
臺考課監司 湖北路旱傷詔監司守令賑恤 癸巳
乙未凡二日大雪乃下罪己詔 十一月虛恨蠻寇中
鎮寨 十二月蠲瓊州丁鹽錢 是歲兩浙大水賑之
甲戌嘉定七年春正月丁卯朔何九齡襲秦州大敗沔
州都統王大才妄啟邊釁斬之 甲戌夜濠州鍾離縣

北岸有三騎渡淮而南出文書一囊絹畫地圖一冊云
是韃靼國遣來納地請兵守臣以不奉朝旨卻之時韃
靼國勢實已強大但居其故地而於燕雲置行省命其
大臣薩木哈領其事焉 丁丑雷 參政章良能薨

乙未黎州蠻卜籠十二骨降 三月丁卯安丙同知樞
密院事今日下起發赴院治事六月癸丑安同知自廣
安順水赴行在至近畿除觀文殿學士知潭州丙知朝
廷疑已乃上疏力辭不允乃遣官賁結局冊赴行在

董居誼為四川制置使 庚辰金人來督二年歲幣

壬辰詔利州路安撫節制本路軍馬 夏四月癸卯蠲福

建納鹽 癸丑馬橈襲殺虛恨蠻庫崖等 辛酉詔三

衙江上四川諸軍具士馬實數以聞 五月丁丑太白

經天 乙酉親試舉人賜袁甫等五百四人及第出身

有差 壬辰有司考課祿之制裒類成書以為法式

六月旱 丁巳置嘉定府邊丁二千人 秋七月鄭昭

先簽書樞密院事兼權參知政事 乙亥燕京乏糧金

主告遷於南京 夏人來議夾攻金人恢復故疆董居
誼初入蜀不之報 八月癸巳朔罷關外四川所增方
田稅 癸卯復建宗學 金人復來督歲幣 真德秀
請絕金人歲幣上書曰竊聞女真以韃靼侵凌徙巢於
汴此吾國之至憂也蓋韃靼之圖滅女真猶獵師之志
在得鹿鹿之所走獵必從之既能越三關之阻以攻燕
豈不能絕黃河一帶之水以趨汴臣恐秋風一生梁宋
之郊已為戰場矣使韃靼遂能如劉聰石勒之在中原

則疆場相望便為隣國固非我之利也或如耶律德光之不能安中土則姦雄必將投隙而取之尤非我之福也今當乘金之將亡而亟圖自立之策乎抑幸金之未亡而姑為自安之策乎夫用忠賢修政事屈羣策收衆心者自立之本也訓兵戎擇將帥繕城池飭戍守者自立之具也以忍恥和戎為福以息兵忘戰為常積安邊之金繒飾行人之玉帛女真尚存則用之於女真強敵更生則用之於強敵此苟安之計也陛下以自立為規

模則國勢日張人心日奮雖強敵驟興不能為我害陛下以苟安為志嚮則國勢日削人心日媮雖弱國僅存不能無外憂 九月壬戌朔日有食之 太白晝見

癸亥雷 久雨詔釋囚 冬十月廢邛州嘉定監 命四川監司郡守辭見如舊制 十一月聶子述使金賀正旦 黎川蠻蓄卜始降

乙亥嘉定八年春正月詔舉將才 戊子申嚴金翠禁 二月丙午雷孝友罷 蜀逋負米貸其囚繫 己未

雨土 三月辛酉詔舉廉吏大郡歲舉二人小郡一人
旱 五月辛酉韃靼國兵破燕京去年韃人圍燕京
是春金國東平之役兵五次遇韃軍不戰而潰大名之
兵八千至固安亦潰惟真定之兵四萬合保涿援兵一
萬至旋風寨與韃兵戰凡二日糧絕而敗內外不通至
是破之燕京宮室為亂兵所焚火月餘不滅 辛未雨
已卯命利州路招忠義人 甲申詔賊吏毋減年參
選 秋七月庚申置三省樞密院架閣官 辛酉鄭昭

先參知政事曾從龍簽書樞密院事 壬戌立楊巨源

廟賜名褒忠旌誅吳曦之功也 八月己丑賜張栻謚

曰宣 庚子申嚴宗子訓名法 蘭州盜程彥暉求內

附四川制置使董居誼却之 九月辛未合祭天地於

明堂赦天下 乙亥申嚴浙西圍田禁 甲申罷四川

試法科 韃靼國兵破潼關國兵自河東渡河攻潼關

不能下乃由嵩山小路趨汝州遇山礮輒以鐵鎗相鎖

連接為橋以渡於是潼關失守金主急召花帽軍於山

東十月韃兵至杏花營距汴京二十里花帽軍急敗之
韃兵復取潼關自三門析津乘河水合布灰引兵而渡
自是不復出金人專守關輔然陝西諸州間亦有為所
破者燕南雄霸數州乃三關重地塘濬深阻韃兵不能
入又有遼東宣撫守蕭萬據遼東七路韃兵不能下金
主南遷之後累遣使詣韃靺鞨國求和其主欲許之謂曰
譬如圍場中獐鹿吾已取之矣獨餘一兔汝數年不能
取盡遂捨之其臣薩木哈不從遣人諭金主曰汝欲議

和可去帝號稱臣封汝為王金之羣臣不從有言於其
主曰願以死雪國耻者金自稱帝至是九十有八年而
失國兩河既破山東畔之金人東阻河西阻潼關地勢
益蹙遂有南窺淮漢之謀矣 是歲兩浙江東西旱蝗
丙子嘉定九年春正月乙丑賜呂祖謙謚曰成 命諸
州置馬軍司水軍 二月甲申朔日有食之 丙申雪

辛亥東西兩川地凡四日大震 三月丁丑詔舉監
司 夏四月戊戌秦州唐進引衆十萬來歸四川制置

使董居誼却之 五月癸酉太白晝見 六月戊申賑

浙西水 西川凡三日地震黎州山崩 秋七月詔以

邊縣擇才不拘常法其餘並遵三年之制詔邊縣官許

起復 冬十一月癸亥命利路備邊 十一月癸丑以

宗學隸宗正寺 丁巳雪給諸軍錢 乙丑遷天水軍

於舊天水縣置知軍以下官 江東計度轉運副使真

德秀附奏論邊事臣竊見金人自失國南遷其勢日蹙

比者韃靼與西夏并兵東出潼關深入許鄭敵庭危迫

之狀見於偽詔所云近復傳聞敵兵攻圍都邑遊騎布滿山東雖探報之辭不無同異要其大勢以河南數州僅有之地而抗西北二國方張之師加以羣盜縱橫叛者四起危急如此不亡何待臣謹按國史女真叛遼在政和之四年甲午歲其滅遼也在宣和之七年乙巳歲是年即犯於中原臣竊謂今日天下之勢無以異政宣之時陛下亦宜以政宣為鑒夫以皇皇鉅宋八葉重光至於政宣燕安湛溺之餘紀綱蕩然無一足恃本根既

撥枝葉從之於是女真得以逞其凶殘攻陷我都城傾覆我社稷劫遷我二聖荼毒我蒸民自開闢以來外裔之禍未有若是之酷也臣嘗妄論政宣致禍之由其因有十失自蔡京倡豐亨豫大之說王黼開應奉享上之門專以淫侈蠱上心奢靡蠹國用土木之功窮極盛麗花石之貢毒遍江南甚至內庭曲宴出女樂以娛羣臣大臣入侍飾朱粉以供戲笑於是荒嬉無度而朝政大壞矣其失一也自童貫高俅迭主兵柄教閱訓練之事

盡廢上下階級之法不行潰敗者不誅而招以金帛死
敵者不卹而誣以逃亡是賞罰無章而軍政大壞矣
其失二也政宣之世災異數見火星如月徐徐南行日
黯無光洶洶欲動赤氣犯斗水冒都城當時羣臣恬不
知警方且以怪孽為嘉祥變異為休徵此上不畏天戒
其失三也政宣之際以言為諱張根論征斂之煩散官
安置李綱論大水之變遠謫監征於是薦紳不敢言矣
鄧肅以進詩諷諫屏出太學朱夢說以冒言官寺竄斥

偏州於是布衣不敢言矣鉗結成風馴致禍敗此下不
卹人言其失四也政宣用事之臣專以毀忠忌賢為事
凡累朝老成之望當代鴻碩之材不以姦黨廢則以邪
說斥不以曲學貶則以異論逐排沮挫抑之餘舉國無
君子矣雖欲久安得乎其失五也開國成家小人勿用
而難任人蠻夷率服政宣之世京黼繼尸宰柄貫攸濫
厠樞庭其翱翔臺省布列館殿非歌頌書生即膏粱子
弟非奴事閹尹即翼附權臣更引迭援在廷皆小人矣

雖欲勿危得乎其失六也記曰四方有敗必先知之此
之謂民之父母政宣小人專為蒙蔽以欺上聽劉法敗
死西陲而童貫乃以捷聞方臘破東南六郡而王黼匿
不以告郭藥師反形已露而邊臣掩覆於外女真尅期
入寇而大臣諱飾於中上下相蒙稔成大患至敵兵濟
河而朝廷猶未之覺其失七也書曰民惟邦本本固邦
寧政宣小人專務聚斂以搖根本朱勔以貢奉擾浙右
李彥以括田困京東蔡京改鹽鈔法而比屋嘆愁王黼

創免夫錢而諸路騷動人不聊生散為盜賊雖徼外患亦必有蕭牆之憂其失八也詩曰無競唯人四方其訓之古者以一士寢敵謀片言折外侮政和初遣使覲國而童貫實行遼之君臣相顧竊笑已有南朝無人之譏北事既興遂付戎律以僕隸之才當元戎之任節制不明諸將無所稟畏庸懦不武敵帥得以憑陵未幾副之以蔡攸易之以譚禎其為驚怯又益甚焉於是女真知中國之無人而異志興矣此授任非材其失九也昔子

產以葦爾之鄭崎嶇強國間區區一環宜無愛於晉而
子產則曰大國之人令於小國而皆獲其求將何以給
之一共一否為罪滋大大國之求無禮以斥之何饜之
有卒不與秦求地於趙趙欲與之虞卿曰王之地有盡
而秦之求無已以有盡之地而給無已之求其勢必無
趙矣趙用其計而秦不能加蓋有國者不幸與強敵為
鄰當有以服其心而不當徇其欲女真與遼國交兵雖
能每戰輒克然視吾中國之尊如高山大海未易測其

雄深何敢遽有他志不幸姦臣腐夫希功寡謀唯恐無以順適其意彼方邀吾歲幣則予以契丹舊數而不辭邀吾燕地賦稅則予以銀絹百萬而不靳至於索犒師則許以犒師欲貸糧則許以貸糧一事方酬而一事已生前請未塞而後請復起一切承順無敢或戾而南牧之師已侵尋於境上矣蓋敵人之求本無饜足徒知徇其欲而無以服其心其禍固應爾也或者唯以納張瑄結余覩為造釁之由而不知召侮取輕其漸非一雖微

結納之事其能保盟約之不寒乎此處置失宜其失十也今一人憂勤恭儉無愧仁祖之風而羣臣盤樂怠傲乃有宣和之習東南民力耗於軍餉者十八而士卒窮悴常有不飽之嗟災異頻仍修省之實未覩言路壅塞謹直之士弗容君子非不參用而正論未嘗獲伸小人非不欲遠而讒諂猶或得志蒙蔽之風日熾聚斂之政日滋此夫未除臣恐後之視今猶今之視昔也

續宋編年資治通鑑卷十四

欽定四庫全書

續宋編年資治通鑑卷十五

宋 劉時舉 撰

宋寧宗四

丁丑嘉定十年春正月辛巳雷 癸巳雨土 乙未大
風拔木 二月庚申地震 壬戌雪 夏四月金人犯
光州中渡鎮執榷場官盛允升殺之犯樊城都統王守
中引兵戰却之金人遂分兵圍棗陽光化廬州鈐轄王

辛敗之於光山縣之安昌寨殺其統軍完顏掩隨州光
化軍皆以捷聞金人遁歸 李珣江淮制置使趙方京
湖制置使詔措置調遣仍聽便宜董居誼四川制置使
命酌量緩急便宜行事 久雨詔釋囚 五月甲申親
試舉人賜吳潜等五百二十三人及第出身有差 癸卯
趙方請下詔北伐遂傳檄招諭官吏軍民 六月庚戌
太白晝見 戊午詔厲將士詔略曰朕厲精更化一意
息民勅敵跨我中原天厭久矣狡兔失其故穴人競逐

之豈不知機會可乘讐耻未雪念甫伸於信誓實重起
於兵端若能立非常之勲則亦有不次之賞尚其聽命
朕不食言 辛未東川大水 癸酉太白經天 秋七
月丙子朔日有食之不雨釋諸路杖以下囚 甲申雅
州蠻復寇邊焚碉門寨遣官軍討之 庚子罷軍士淫
刑 八月乙丑詔監司郡守各舉威勇才略可任將帥
者二人 冬十月久雨 十一月丁丑大風 庚辰太
白晝見 甲申詔浙東提舉司出米十萬石賑給貧民

戊戌太白經天 十二月戊申以軍興故募民納粟

補官 乙卯詔武舉毋應文舉 金人犯四川迫湫池

堡陷天水軍守臣黃炎孫遁金人破白環堡迫黃牛堡
至大散關統制劉雄弃關遁金人據關

戊寅嘉定十一年春正月京東忠義人李全率衆來歸
詔以為京東路總管 戊子金人圍皂郊堡二月陷皂
郊王師與戰勝負半之死者五萬人四川制置司招忠
義復皂郊二月利州統制王逸等率官軍忠義人收復

利州 麻仲率忠義人焚秦州永寧寨詔四川忠義人
立功其賞視官軍 金人犯隔茅關興元都統李貴道
而軍大潰 二月金人焚大散關而去 金人攻陷湫
池堡圍隨州棗陽軍遊騎至漢上均州守臣應謙之棄
城走金人糧舟棄大清河楚州鈐轄梁招祖焚其舟京
東忠義副都統沈鐸遣兵助之金副統制完顏贊包長
壽遁去沔州軍士郭雄追斬贊首而還長壽僅以身免
丙辰白虹貫日 三月忠義人十萬出攻秦州官軍

繼進至赤谷口忽王逸傳劉昌祖之命退師而忠義軍
遂潰 癸巳金統制包長壽合長安鳳翔之衆復攻皂
郊不克引兵趨西和州劉昌祖焚西和州而遁守臣楊
克家棄城去昌祖又焚成州守臣羅仲甲亦棄城去戊
戌金人陷西和州至四月金人去成州又去西和州

夏四月鎮江忠義統制彭惟城等敗於泗州 命四川
增印錢引五百萬以給軍費 階州守臣侯頤遁 戊
午金人犯大散關守將王立遁興元都統吳政至大散

關執立斬之 己未犯黃牛堡吳政引兵與戰金人遁軍聲
大振是冬賞吳政張成功各進三官竄劉昌祖羅仲甲楊
克家以正棄城之罪 五月乙亥命四川制置司招集忠義
人 癸未蚩尤旗見其長竟天 壬辰嚴試官七等之制

六月湖州水詔恤貧民 秋七月乙酉修孝宗實訓 辛卯

蠲四川關外諸州稅役 甲午蠲光州民兵戰死之家稅

役 九月辛巳合祭天地於明堂赦天下 十一月戊午大

風 壬申金人犯安豐黃口灘 陝西人張羽來歸

己卯嘉定十二年春正月戊辰朔召董居誼赴行在以
聶子述為四川制置使 庚辰金人犯湫池堡守將石宣戰
却之甲申攻白環堡守將董招戰却之戊子犯成州越四日
焚成州而去沔州都統張威自西和州退守仙人原庚寅犯隨
州棗陽軍又破信陽軍之二寨京西諸將引兵拒之辛
卯犯西和州守臣趙彥呐設伏待之金人大敗而還犯
安豐軍建康都統許俊遣將拒之犯河池守將張斌遁
去癸巳攻光化軍破勛山縣進逼均州圍安豐軍及滁

濠光州江淮制置使李珣命池州都統制武師道忠義
軍都統制陳孝忠舉重兵赴援金人不能進甲午陷鳳
州守臣雷震棄城去州民與之巷戰乃夷其城乙未犯
黃牛堡吳震戰死金人乘勝攻武休關二月戊戌朔
金人破光山縣太白晝見壬寅圍壽陽軍京湖制
置使趙方遣統制扈再興為援金人乃解圍癸卯破
黃牛堡興元都統李貴遁還利路權興元府事趙希哲
棄城去丁未陷興元府己酉遣殿前司軍凡八千人

防捍江西 庚戌曾從龍除同知樞密院事兼江淮宣撫使 任希夷簽書樞密院事 辛亥金人陷大安軍守臣李文子棄城去又分兵犯來州守臣蔡晉卿遣兵拒之不克而城陷沔州統制石宣擊金人於大安軍大破之金將巴圖魯棄軍走為我師所獲金人聞之遂遁去三月金人焚洋州城而歸 壬子四川制置董居誼自利州遁去奪本官永州居住 丁巳京湖制置使趙方遣統制扈再興等引兵三萬餘人分道出攻唐鄧州

隨州忠義軍劉世興鄂州都統劉世榮各以兵來會

乙丑西夏來議夾攻金人利路安撫丁燦許之乃以事

聞六月丁燦以書與夏人定約 三月己巳鄭昭先知

樞密院事曾從龍參知政事 乙亥興元軍士權興等

作亂犯巴州守臣秦季禰遁凡十二日而興降 丁亥

太白晝見 甲午金人自盱眙退師 閏三月己未雷

震棄城竄梅州 辛酉旌吳政死節贈忠州刺史 壬

戌詔諭四川官軍忠義人 癸亥興元軍士張福莫簡

等作亂以紅巾為號四月入利州制置聶子述遁總領
財賦楊九鼎為所殺由是掠閬州及果州五月逼遂寧
府攝府事程遇孫棄城去福焚其城四川宣撫司命沔
州都統張威捕之福入普州守臣張己之棄城去福屯
於普州之石山庚午威屯兵茗山凡十四日莫簡自殺
福請降威執之以歸於宣撫司誅之 金人圍安豐軍
及滁濠州乃分兵自先州犯黃州之麻城自濠州犯和
州之石碛自盱眙至滁州之全椒來往揚州之天長真

州之六合淮南流民渡江避敵諸城皆閉金人遊騎數
百至東采石楊林渡建康大震命京東總管李全自楚
州忠義總轄季先自漣水軍各引兵來援金人乃遁去
全擊敗之於曹家莊斬其首數千獲其貴將或以為金
主女婿云 四月曾從龍罷鄭昭先兼參知政事安丙
為四川宣撫使 五月召聶子述降雨淮荆襄湖北利
州路沿邊諸州雜犯死罪囚仍蠲今年租稅 太學生
何處恬論尚書胡榘欲與金人議和請誅之以謝天下

詔舉文武可用之才 六月丙子太白晝見辛巳太

白又晝見西川地震 丁亥金人以書招李全全却其

書癸亥京東總管李全舉兵至齊州金守臣王贊以城

降十一月京東路帥司言克復京東河北二府九州四

十縣 八月合利州東西為一路 九月丙午以李大

東為沿江制置使趙善湘主管淮西制置司公事賈涉

主管淮東制置司公事兼節制京東河北路軍馬 十

一月乙亥築興元府城 丁丑雅州蠻入廬山縣 己

知四川宣撫司議出師取洮州招諭中原豪傑官民勸以歸附會乙酉金人犯鳳州之長橋乃引兵出援命罷洮州之師 己丑京湖制置司遣統制扈再興等引兵六萬人分三道取中原 庚寅賞茗山捕賊功

庚辰嘉定十三年春正月京湖制置司統制扈再興引兵攻鄧州鄂州都統許因攻唐州不克而還金人追之遂寇樊城荆湖制置趙方督諸將大破之金人遁 己亥雅州蠻復掠廬山縣 戊午夏人復以書來四川議

夾攻 三月辛卯雨土 丁巳黎州土丁叛 夏四月

淮東制置賈涉招諭山東兩河豪傑勸以來歸 戊戌

史彌遠上二祖下第七世宗藩譜系錄 六月癸酉親

試舉人賜劉渭以下四百七十五人及第出身 安丙

為少保 丙子以李全為左武衛大將軍 季先除漣

水軍忠義副都統命赴樞密院奏事未至殺之 秋七

月以京東河北諸州守臣空名告身付京東河北節制

司以待豪傑之應者 任希夷兼參知政事 癸亥皇

太子薨諡曰景獻

八月壬申四川宣撫使安丙遣夏

人書定議夾攻金人

甲申復海州以徐晞稷知州事

盱眙將石珪叛入漣水軍詔即以石珪為漣水軍忠

義總轄

九月辛卯夏人引兵圍鞏州且來趣師王仕

信引兵發宕昌甲午太白晝見乙未四川宣撫司統制

質俊李實引兵發下城戌戌四川宣撫司命諸將分道

進兵沔州都統張威出天水利州副都統程信出長道

興元副都統陳立出大散關興元統制田胃出子午谷

金州副都統陳昱出上津己亥張威下令所部諸將毋得擅進兵而諸將遲疑不進壬寅質俊等敗金人於定遠城乙巳程信王仕信引兵與夏人會於鞏州城下攻城不克九月信引兵趨秦州丙辰夏人自定遠退師十月丁巳朔程信邀夏人引兵共攻秦州不聽遂自伏羌城引軍還諸將皆罷兵 九月甲午太白晝見 金人犯皂郊堡沔州統置董炤與戰敗績 冬十一月斬王仕信罷張威職名以不進兵故也 十一月詔刊正皇

帝日曆 庚戌大風 壬子臨安火 十二月壬申石

珪叛歸韃靼

辛巳嘉定十四年春正月丙戌朔雪 乙未雷 地震

李全自山東還乃犒師 庚子立四川運米賞格

二月戊辰金人圍光州己巳犯五關壬申治舟於團風

弗克濟金人圍黃州分兵破諸縣及漢陽軍丁丑李全

棄泗州遁還甲申詔淮東京湖諸路應援淮西防守江

面權殿司事馮榭援蘄黃榭遷延不進 三月扈再興

引兵攻唐州不克尋引所部趨蘄州李全自楚州引兵
來援淮西 長星見 金人犯黃州守臣何大節棄城
遁自沉於江金人犯蘄州守臣李誠之戰敗城陷殺其
妻子奴婢然後自殺官屬多死之金人退扈再興邀擊
於天長鎮金人大敗次日大戰斬首數千四月李全自
臨淮追擊之殲其大半 四月乙卯復置諸王宮大小
學教授 乙丑命任子簾試於御史臺 五月甲申朔
日有食之 史彌遠上孝宗皇帝寶訓皇帝會要 丙

申西川地震 六月甲寅朔沿江制置司置副使於鄂

州 丙寅立貴和為太子賜名竑封祁國公

即濟王

辛

巳大風 秋七月丁亥蒙國大將獻本朝皇帝恭膺天

命之寶詔禮官詳論受寶典禮以聞詔以來年元日受

寶於大慶殿 辛丑趙方為京湖制置大使賈涉為淮

東制置使 丁未修光宗寶訓 八月趙方卒 參政

任希夷罷 壬戌宣繪同知樞密院事 甲子立與莒

為沂靖王後賜名貴誠

即理宗皇帝

九月辛卯合祭天地

於明堂赦天下 冬十月京東河北節制司奏復滄州

詔以趙澤為河北東路鈐轄知州事 甲寅以齊州為

濟南府兗州為襲慶府 丙寅夏人復以書來四川趣

兵伐金 庚午雷 十一月癸未詔左翼軍受泉州節

制 己亥少保安丙薨 京東安撫張林叛以京東諸

郡降於韃靼人 韃靼國使噶哈齊蘇等來計事 十

二月庚申鄭昭先罷 閏十一月辛巳朔宣繪魚參知

政事俞應符魚權參知政事 殺華岳先是岳言時政

忤時相以殿前司同正將授岳後誣謀變殺之 賑諸

州水旱

壬午嘉定十五年春正月庚戌朔御大慶殿受寶赦天下 褒贈蘄州死事官吏官其子孫有差旌李誠之死

節立廟蘄州 丁巳招諭山東河北 甲戌陞鄂州武

昌縣名壽昌軍 三月賑江西旱傷 夏五月庚戌太

白晝見 甲寅禁州縣匿囚 丁巳皇子竑進封濟國

公 己未皇姪貴誠遷邵州防禦使 壬戌知濟南府

种贇等攻叛將張林於青州林遁去 己巳修孝宗經

武要略 六月辛卯權參知政事應符薨 秋七月甲子

詔條畫營田 八月己卯命戶部詳議義役 九月辛

亥宣繪參知政事程倬同知樞密院事薛拯賜出身簽

書樞密院事 癸丑雷大雨雹 壬戌彗見 辛未太

白晝見 冬十月丙子以忠義人收復京東州郡犒賞

有差 十一月戊午令京東河北路罪無輕重皆除之

十二月雪寒賑臨安府貧民 丁亥李全除保寧軍

節度使京東河北鎮撫節制司副使

癸未嘉定十六年春正月嚴賍吏法 己酉皇子坻生

踰月而薨 丁巳雷 辛酉命淮東制置司賑濟山東

流民 二月戊子雨土 三月京東河北路鎮撫司言

張林所部邢德來歸詔以德為京東東路副總管 丁

卯賑道州飢 夏五月戊申賜蔣重珍等五百四十九

人及第出身有差 六月壬午淮東制置賈涉卒 乙

酉同知程卓薨 秋八月辛巳詔州縣經界毋增紹興

稅額 癸未申嚴舶船銅錢禁 九月庚子朔日有食
之 冬十一月辛亥賑太平州水 十二月辛巳沿江
被水州募民入米補官 壬辰雷

甲申嘉定十七年春正月戊戌朔錄程頤後 命淮東
西湖北路轉運司提督營田 三月癸巳蠲台州逋賦

三月癸丑雪 金人迫西河州聞四川制置司軍至

乃引兵還 夏四月辛卯賑廬州饑詔本州賑糶 乙

未犒李全賜李全彭義斌錢三十萬緡為犒賞將士費

五月詔覈實兩淮京湖四川江上諸軍之數 六月

丁卯朔太白晝見經天 辛未皇孫銓生尋薨 癸酉

知西和州尚震午謀逆貶岳州 大名府蘇椿舉城來

歸詔知大名府 丁酉賑福建水 八月乙亥罷通州

天賜鹽場 丙戌上不豫 閏八月丁酉帝崩於福寧

殿年五十七諡曰仁文哲武恭孝皇帝廟號寧宗 楊


皇后史彌遠立貴誠為皇子進封成國公即皇帝位尊

皇后為太后垂簾聽政廢皇子竑降封濟陽郡王出判

寧國府

立理宗而殺濟王殆非寧宗之意也先是濟王書於
几上明言楊后之事云史彌遠當決配八千里左右
以告彌遠彌遠銜之時真西山魚王宮教聞其事遂
力辭去臨行謂王曰大王若能孝於慈母而敬於大
臣則天命必歸之矣寧宗疾革乃廢濟王其事實皇
后彌遠專之吁宋一代家法最正諸后最賢傳受最
明至寧宗之末楊后彌遠之惡濟邸之死理宗之立

而後所謂家法之正后德之賢遂掃地矣使潘壬潘
丙之謀成則彌遠將何所容其身哉然理宗之立猶
能撐拄五十年而後亡不可謂非幸也



續宋編年資治通鑑卷十五

續宋編年資治通鑑卷十二

欽定四庫全書

續宋編年資治通鑑卷十三

宋 劉時舉 撰

宋寧宗二

壬戌嘉泰二年春正月癸亥蘇師旦兼樞密院都承旨
師旦本平江府書佐韓侂冑項為本府兵馬鈐轄從府
假筆吏吏以其冷局俾師旦行韓滿歸蘇復還府下丘
室為守嘗以事怒師旦編管秀州久之韓知閣門事師

旦困甚往依之韓憐而寘之門下未久上登極韓以師
旦竄名藩邸吏士內遂用隨龍恩得官韓以其辯慧愛
之高宗實錄成己巳雷二月弛學禁初學禁之
行也京鎧何澹劉德秀胡紘四人者實主其議為韓侂
冑斥逐異己者羣小附之牢不可破慶元五年二月紘
罷吏部侍郎七月德秀自吏部尚書出知婺州六年八
月鎧以左相死於位去年七月澹罷知樞密院魁儉盡
去侂冑亦厭前事欲稍示更改以消中外意時亦有勸

其開黨禁以杜他日報復之禍者侂冑以為然甲申追復趙汝愚資政殿學士 戊子頒治縣十二事以風厲縣令 癸巳禁行私史 二月辛亥詔舉邊郡官 己未初命提刑以五月按部理囚 詔薦舉除陞改自代十科外悉罷 夏四月庚寅雨雹 辛卯禁經營留闕者 復太學混補試 五月甲辰朔日有食之 己巳賜傳行簡四百九十有七人及第出身有差 六月己卯臨安府災 壬寅浚浙西運河 己亥禁冒發充軍

秋七月不雨 八月袁說友同知樞密院事 癸未

建寶謨閣奉藏光宗御集 己丑詔作壽慈殿請太皇

太后還內 甲午慶元條法事例成 九月己酉上朝

壽慈宮 甲寅修皇帝會要 丙寅嗣秀王伯圭薨

庚午臨安府奏野蠶成繭 冬十月壬申以通判主管

總所財賦 追復朱熹職名以煥章閣待制致仕 十

一月庚子陳自强知樞密院事許及之參知政事 丁

卯皇帝日厯成 庚午命賊吏毋使予祠 十二月甲

戊日中有黑子 甲申立貴妃為皇后 韓侂冑為太師

呂中曰外戚不得預政此祖宗家法也自建隆至紹熙列聖相承不敢失墜雖以曹侂之賢處帝舅之重神宗皇帝欲除侂為中書令而呂中公力言其不可聖君賢相所以防微杜漸之意蓋可見矣惟政和六年鄭居中由顯肅皇后之親拜為太宰此已往之失不可效尤也侂冑何人夤緣戚里干預朝政且躡取

帝師之任是祖宗三百年之家法至仇胄而盡壞之
矣他日兩觀之誅其能免乎

庚辰大閱 閏十二月乙未詔講官開陳經義 宗

室曠拜威武軍節度使封衛國公 復周必大少傅觀

文殿大學士 是冬皇子垺生未踰月薨追封華王諡

曰冲穆 詔修孝宗光宗實錄 臺諫侍從紹興末年

臺諫每月必一請對密官每月必一言事從官兩月必

一求見否則謂之失職自仇胄扼塞言路從官既不言

事而臺諫亦多牽掣月終必舉按小吏一二人謂之月課凡釐務官州屬曹掾簿尉監當皆在此列又有泛論君德時政皆以陳熟緩慢者言之或問之則愧謝曰聊以塞責聊以藉手而已聞者哂之 賑諸州水旱

癸亥嘉泰三年春正月丞相謝深甫罷 壬午置湖南

溪洞總首 戊子龍州蕃部寇邊 甲午參政張巖罷

丙申陳自強以樞密兼參知政事 丁酉雷 戊戌

幸太學謁大成殿御化原堂命國子祭酒李寅仲講尚

書幸武學謁武成殿監學官進秩一等諸生推恩賜帛
有差 袁說友參知政事是春謝深甫初免相許及之
為參知政事既命陳自强以員外兼權又命說友蓋三
員也嘉定初命雷孝友妻機樓鑰亦三員遂為故事至
九月說友罷政事 傅伯壽簽書樞密院事以老病除
集英殿修撰知夔州 費士寅簽書樞密院事 二月
乙巳冊皇后楊氏 乙丑再竄王德誦於新州 三月
久雨詔大理三衙臨安府決繫囚 乙酉幸聚景園

夏四月己亥朔日有食之 壬寅福州言瑞麥生 李

運言兩淮鐵錢交子利害詔戶部相度至是出封樁庫

交子一百萬命轉運司收民間鐵錢 乙卯陳自强等

進徽宗孝宗玉牒光宗實錄 五月戊寅陳自强為右

丞相以許及之知樞密院事兼參知政事 不雨詔釋

杖以下囚 秋七月辛未出封樁錢造戰艦 壬午同

安漢陽斬春三監罷鑄錢 白虹貫日 癸未禁抑納

逃囚 九月壬申立宗子希璫為孝宗長子鄧王愔後

癸酉命鐵冶司毋得私毀錢為銅 冬十月庚子呂

祖泰任便居住 丙午命兩淮諸州以仲冬教閱民戶

萬弩手 丁未大風 戊申龍州蕃部降 十一月甲

戌詔南郊加祀感生帝太子庶子等星 赦天下 癸

未大風 己丑更定選人改官法 庚寅復置福田居

養院 十二月辛酉詔戒將帥培克 金國盜起沿邊

聚糧增戍且禁襄陽府榷場懼宋朝乘其隙也朝廷聞
其事乃以參政張巖帥淮東樞密程松帥淮西以侍郎

丘室守四明防海道以大卿辛棄疾帥浙東時武帥鄭
挺在襄陽力求去以李奕為荆鄂副都統兼知襄陽松
為父喪辭改命廣帥薛叔似而叔似不行遂命侍郎宇
文紹節代之又徙辛棄疾以次對守京口起資政趙彥
逾守四明出知院許及之守金陵及之不欲行乃命室
以直學士代典留鑰其開邊釁蓋自此始 御筆命監
司郡守申交割數 張孝仲以安撫司幹辦除成州後
以諸司屬官係京官考理通判任一次自此始

甲子嘉泰四年春正月乙亥大風 庚辰貶內侍甘昺

癸未日中有黑子辛卯雷壬辰雨雹 西浮洞逃軍

為亂 盤量北邊積糧 辛棄疾入見言敵國必亂必

亡願付之元老大臣當備兵為倉卒應變之計佐曹大

喜 二月壬子蠲臨安府逋負酒錢 己未立試刑法

避親法 庚辰夜有赤氣亘天 三月丁卯臨安府火

災 壬申禁質賣軍器 辛巳立添差及祠廟限員

夏四月命內外諸軍詳度屯隊法 甲辰以知院許及

之守金陵為出師計不行而罷 賑恤江西州縣水旱

乙巳費士寅兼知樞密院事張孝伯參知政事錢象
祖賜出身同知樞密院事 丙辰詔選舉禁請囑受私
書之弊 五月乙亥詔舉將材 追封岳飛為鄂王

六月丙申置諸軍帳前雄効 韓侂胄却生日賀儀仰
進奉官徧行關報議者謂大臣却四方之饋未有自奏
邸行下諸路蓋僭也時士大夫或獻紅錦壁衣承塵地
衣之屬修廣高下皆與中堂等蓋密量其度而為之又

有獻紅牙果卓珍珠搭幡光耀奪目以媚侂冑其後或
遇侂冑生日大臣以下皆排列所獻於天慶觀之廡下
都人競往觀焉 己亥詔改明年元 壬子禁州縣按
私籍沒民產 甲辰再蠲臨安府身丁錢 六部架閣
非闕官勿除 總所令監司算綱運

乙丑開禧元年春正月癸丑初置澈浦水軍 壬午雨
雹 賜蘇洵謚曰文 二月丙午蠲臨安府酒稅錢

乙卯雪 竈翁點新州先是有旨召點赴行在御史徐

柵劾點貪黷嗜進等事遂寢是命點聞之上章自辨察
官為內臺刑獄之官為外臺察官論事不得其平外臺
安得泯沒而不與之直次論柵私託不行所以貽怒者
數事其末云楊輔劉起晦乃今之望人一旦報怨併論
罷之中外失望仇胄怒遂有是責 三月庚申太白晝
見 申嚴生子弑殺之禁仍令諸路文官常平官月給
錢米收養之 韓仇胄欲用兵恢復中原乃出封樁庫
金一萬兩以待賞功仇胄欲以費士寅鎮興元士寅固

辭遂罷樞密是科策士有論宜乘機以定中原者仇胄大喜用兵之意遂決四月武學生華岳上書言朝廷未宜用兵恐啟邊釁忤仇胄流建寧府金人伺知朝廷有用兵意五月遣其平章事布薩揆為宣撫使駐開封遣使來責渝盟以邊民侵掠及沿邊增戍為辭是月鎮江都統戚拱遣忠義人朱裕結漣水軍弓手李全焚漣水塞其後侍郎李壁乞斬朱裕梟首境上人皆冤之六月詔內外諸軍密為行軍之計而以程松為四川制置使

諫議大夫李大異以諫止開邊同日補外是月命教閱
禁軍八月命興元都統司增招戰兵詔侍從兩省臺諫
在外待制學士以上及內外諸軍主帥各舉將帥邊守
一二人伉曹欲風厲諸將乃封贈劉光世為鄜王諡文
忠少保岳飛為鄂王中興諸將至是畢王矣又命湖北
安撫司增招神勁軍又以殿前副都指揮使郭倪為鎮
江都統守揚州十月李壁使還言兵未可輕動不聽十
一月置殿前司神武軍五千人屯揚州十二月增刺馬

軍司弩手中郎將厲仲方造戰車連弩未及用而罷去
周虎繼之用戰車敗敵於清水鎮時軍政修明人心大
喜以為恢復之期可必惜朝臣議論不一不能成功天
也 夏四月戊子朔錢象祖參知政事兼同知樞密院
事劉德秀簽書樞密院事 辛卯皇甫斌兼知襄陽府
辛丑日中有黑子 乙卯大風 五月己巳試舉人
毛自知四百三十有二人 復淳熙薦舉改官法 乙
亥詔以曦為皇子進封榮王 六月罷廣東稅場 辛

丑淮東安撫鄭挺罷 壬寅天鳴有聲 復同安漢陽
蘄春三監 乙丑陳自强上吏部七司法 秋七月庚
申韓侂冑平章軍國事兼國用使詔立班丞相上三日
一朝先是六月陳自强鄧友龍等請用本朝故事以侂
冑平章軍國事乃有是命

呂中曰國朝故事如仁宗朝呂夷簡拜司空平章軍
國重事哲宗初文彥博以太師拜平章軍國重事此
二人者皆累朝元老德碩望隆故處以是職也侂冑

何人而儉朋黨奸乃以為比易曰負且乘致寇至其是之謂乎

蘇師旦除安遠軍節度使在京宮觀領閤門事 贈趙

汝愚少保 是月不雨 置資善堂直講說書各二員

八月癸巳雨 欽宗玉牒成 九月丁亥簽書劉德

秀罷 庚午詔賊吏追還所受贓 庚戌大風 冬十

月甲子汀州守臣陳鑄更圖瑞麥以獻詔奪一官 復

置利州馬監 十一月申嚴告訐之禁 十二月修孝

宗光宗御集 詔兩浙路身丁錢絹自開禧二年以後

其永除之 戊寅金主遣禮部尚書趙之傑來賀明年

正旦之傑入見容止倨緩持國書逡巡前立若將要上
為起者閤門奪其書以進儀贊者唱云躬身立之傑端
立不動金主父顯宗名允恭同音字合與避而不避者
之傑益不平仇冑請駕還內繼有旨更以正旦相見

真里國來入貢 賑諸州水

丙寅開禧二年春正月雪 乙未增太學內舍員為百

二十人 辛丑置國用司參詳官 乙巳薛叔似宣諭

京湖 己酉雷雨雹 辛亥禁毀錢為銅 是月雅州

蠻高吟師寇邊三月進犯碉門寨四月賊焚碉門寨官

軍失利義勇軍准備將刁謙戰死提刑劉崇之檄宣撫

司調兵自行討之宣撫司調潼川隆慶府大軍各五百

合前後官軍六七千人以准備差遣王好謙與原統領

王鉞統之委崇之往軍前節制王師至高吟師出降擒

其首六十三人誅之 二月癸丑夜壽慈宮火 久雨

已知復御正殿

三月癸巳程松宣撫四川吳曦副

之仍有節制財賦指揮且許按劾兩軍出入曦得自專
先是四川計司舊屬宣撫司節制鄭剛中在蜀秦檜惡
其專始命趙德文以少卿為之自是三司抗衡至是轉
宣撫司節制劉崇之新除總領即上章抗論辭職不允
甲午以鄧友龍為兩淮宣諭使 詔監司行部理囚
己亥幸聚景園從太皇太后遊幸 錢象祖責其懷
姦避事乃罷參政尋竄信州 張巖魚知樞密院事

已酉知處州徐邦憲入見請因立太子肆赦弭兵侍御史徐枬劾罷之

呂中曰臺諫天子耳目為朝廷爭是非辨邪正者也祖宗盛時先正名臣有識大體者有風采動朝端者有稱鐵面御史者其所彈劾往往合於衆論之公曷嘗觀望朝廷之風旨哉自王安石用事諸君子以不合去位而職糾繩者率用鄧綰李定之流小人希合始有不當劾而劾者矣且以開禧之際觀之皇嗣雖

立而儲位未正權倖輕舉而邊釁將開是二事者真當世之切務也徐枏職處風憲方且緘默不言迨及直臣有言又從而劾罷之是果何心哉邇其本情不過迎合權倖而已咄哉鄙夫真有負祖宗設官之美意矣

夏四月甲子以薛叔似為湖北京西宣撫使兩淮宣諭使鄧友龍改除宣撫使 下納粟補官令 戊辰修紹興以後鹽法 庚午追奪秦檜王爵 四川宣撫副

使吳曦兼陝西河東路招撫使鎮江都統郭倪兼山東
京東路招撫使鎮江都統趙淳兼京西北路招撫使江
陵副都統皇甫斌兼西北路招撫副使

呂中曰小人擅朝欲為專寵固位之計往往至於用
兵王呂變法生事於熙河王珪懷姦喪師於靈武繼
是則章蔡造釁於湟鄯王黼稔禍於燕雲誤國戕民
前後一律今侂冑在朝窮奸極惡海內切齒而復不
度事勢妄啟兵端三邊瘡痍生靈魚肉雖擢髮不足

數其罪矣

陳孝慶復泗州又復虹縣許進復新息縣孫武復褒信縣四川總領所奏辟以進義副尉楊巨源監興州合江倉五月陳孝慶復虹縣仇冑聞已得泗州乃議降詔仍調泉州兵赴山東路會合丙戌上內批云北敵世仇久稽報復爰遵先志決策討除宜頒詔書明示海內翌日乃下北伐之詔詔畧曰天道好還中國有必伸之理人心效順匹夫無不報之仇蠢茲勍敵猶託要盟朕生靈

之資奉谿壑之欲迹其不恭孰不含怒軍入塞而公肆
創殘使來庭而敢為桀鰲泊行李之繼遣復慢詞之見
加含垢納汙在人情而已極聲罪致討屬敵運之將傾
兵出有名師直為壯言乎遠言乎近孰無忠義之心為
人子為人臣當念祖宗之憤上以北伐告於天地祖
宗社稷四川宣撫程松至漢中江州都統王大節
攻蔡州不克江陵都統皇甫斌引兵攻唐州不克興元
都統秦世輔至城固縣而軍大亂池州副都統郭倬

馬軍行司李汝翼攻宿州不克建康都統李爽攻壽州
敗績後王大節竄袁州郭倬李汝翼皇甫斌李爽等各
奪官

呂中曰恢復大計當以人才為先真宗之禦契丹必
有李繼隆石保吉然後成澶淵克敵之勲仁宗之制
夏羌也必有韓琦范仲淹然後收曩霄納款之績高
宗之抗女真者必有張韓劉岳然後剉烏珠今則總
戎三邊者誰歟吳曦特膏腴之子弟郭倪郭倬李爽

李汝翼皇甫斌諸人又皆猥瑣之庸才平居暇日不
過尅剝士卒苞苴饋賂圖為進身之梯媒甚者且外
交仇敵以伺中國之動靜矣朝廷顧以推轂制閫之
事悉以委之師纔出境而前者敗後者潰大者殲小
者奔罪甚者誅戮輕者投竄而統蜀漢之逆曦又以
叛聞用兵以來敵之損未一二而吾國之喪失敗亡
已不可勝計矣假使鄧禹聞之寧不笑人於地下乎
六月金人封吳曦為蜀王先是四月曦獻關外四州之

地求封於金十二月曦焚河池縣退屯清野源癸丑曦
自殺金平退歸魚關金人遣吳瑞持詔印授曦於冑口
曦自冑口還興州癸酉吳曦稱蜀王先一日夜興州天
赤如血照地如晝自月初有兩日相摩於初晴之時至
是復有此異 壬寅太白晝見 簡荆襄兩淮田卒以
備戰兵 戊申安丙置司於河池時為陝西河東招撫
司隨軍轉運使 甲辰鄧友龍罷兩淮宣撫使以丘密
代之駐揚州兵凡十六萬一千四百餘人 畢再遇權

山東京東招撫公事

卷十三

時諸將用兵皆敗唯畢再遇數有功金人常以水櫃
敗我再遇夜縛藁人數千衣以甲冑持旗幟戈矛儼
列成行昧爽鳴鼓金人驚視亟放水櫃後知其非兵
也甚沮乃出兵攻之金人大敗又嘗引金人與戰且
却至於數四視日已晚乃以香料煮黑豆鋪地上復
前搏金人佯為敗走金人乘勝追逐其馬已饑聞豆
香皆就食鞭之不前我師反攻之金人馬死者不可

勝計又嘗與金人對壘度金兵至者日衆難與爭鋒
一夕拔營去慮金人來追乃留旗幟於營并縛生羊
置其前二足於鼓上擊鼓有聲金人不覺為空營復
相持數日及覺欲追則已遠矣

田琳復壽春府 戊辰雅州蠻復寇邊先是官軍既殺
高吟師官軍欲深入夷界會有為石棚所壓者乃遣土
丁先往攻之提刑督捕司簽廳任處厚時在碣門寨以
狀白提刑督捕司欲焚其巢提刑除總領遂還夷人掩

官軍不備殺傷甚衆興元將張全忠戰死陳堯輔一軍盡沒即自刃而死王好謙與王金共議再與之戰壬午夷酋高奴鬼等出降韓侂胄以喪師為蘇師旦所誤乃奏劾師旦除名安置仍籍其家秋七月梁洋義士統制毋思襲取和尚原九月復陷權都統制范仲壬出師寶雞小捷未幾楊輔遺書韓侂胄言蜀兵驕糧乏暫休息以規後圖遂班師張巖知樞密院事李璧參知政事誅郭倬於靜江府置御前強勇軍以淮東安

撫司所招者為之 九月戊子雷 辛卯合祭天地於

明堂赦天下 乙巳賞復泗州功 冬十月詔內外軍

帥各舉智勇可為將帥者二人 辛酉以將帥暴露罷

瑞慶節宴 丙午金人自清河口渡淮守將郭超失利

遂圍楚州 十一月庚辰以主管殿前司公事郭杲領

兵駐真州以援江淮 辛巳金人犯棗陽軍有北來韓元

靚者至真州言金人有和意丘密遣人護送北還丙申

元靚又還得金人行省文字密以聞於朝 甲申令丘

密督視江淮軍馬金人犯神馬坡江陵副都統魏友諒突圍趨襄陽忠勇軍呂靖孫欲圖友諒友諒格殺之

戊子金人犯廬州副都統制田琳引戰拒却之真州援兵至後八日而圍解田琳襲之金人大敗而還 乙未

以湖廣總領陳謙為湖北京西宣撫副使 韓侂胄獻

家財二十萬以贍軍優詔褒納 金人遊騎渡漢丁酉

金人犯舊岷州踏白軍統制王喜引兵遁戊戌金人圍和州守將周虎引戰却之敵乃引兵陷信陽軍辛丑圍

襄陽府先是敵將至趙淳焚樊城而憂悸成疾賴諸將協力守禦城得以完時蜀漢路斷金人圍皂郊不下移七天水縣壬寅陷隨州守臣遁州人迎拜金人斂兵不殺逐之德安 癸卯太皇太后賜犒軍錢一百萬緡詔諸路招填禁軍以待調遣 甲辰金人犯真州士民奔逃溺江者十餘萬鎮江守臣宇文紹節亟具舟以濟之廩食之於是濠梁安豐及並邊諸戍皆沒矣 乙巳陷西和州後八日聞王師至而遁 十二月戊申金人圍德安府守將李師尹

拒之再攻襄陽東南西門為國兵所敗 庚戌陷成州守
臣辛禰之遁王師攻城不下明年二月始解圍去 甲寅
金人攻六合縣郭倪遣前軍統制郭僕救之過於濬浦橋
官軍大敗倪棄揚州走瓜洲渡 督府復遺書金人言和
好先是元覲還金營以文字來言和至是募得盱眙小吏
王文持書往金營大畧謂用兵乃蘇師旦鄧友龍皇甫
斌等所為非朝廷本意文等還金人答書悖慢多所要
索且謂侂冑無意於用兵則師旦豈敢專擅督府又遣書

許以送還淮北流移人及今年歲幣金人有許意朝廷
乃以報書遣陳壁持第三書以往會六合交兵第三書犯
金人廟諱金人以用兵語來使却其書而還 丁巳金人
陷大散關都統制毋思遁以總管孫忠銳權都統制
癸亥魏友諒潰軍於祀泉友諒走江陵 丁卯金人犯仙
人關興州中軍正將李好義拒却之 畢再遇持重兵
江上邀擊金人累克捷會朝廷調兵畢集江上金人乃
自淮南退師惟留一統制守濠州 郭倪喪師責授果

安團練使送南康軍安置 庚午薛叔似陳謙罷以吳
獵為湖北京西宣撫使仍知江陵軍 復西浙圍田募
兩淮流民耕種 四川宣撫程松自米倉山出閬州順
流以歸時吳曦已有逆謀矣

丁卯開禧三年春正月丘密罷以張巖督視江淮軍馬
先是丘密乞朝廷移書金營通好而謂金人指侂冑為
元謀乞免繫銜侂冑怒故罷密皇甫恭自汴京使回恭
奏行省完顏弼右副元帥赫舍哩志寧皆有和意且移

書都堂 金陷階州 丁亥皇子圻生 庚寅遣淮民歸

業 甲午吳曦僭位於興州下黃榜於四路召安丙為
丞相權行都省事丙稱疾不出權大安軍楊震仲以不
受偽命飲藥而死利州路轉運判官不受偽命削髮於
利州之石陂四川總領劉崇之不受偽命曦怒命徐景
望為四川都轉運入利州逐崇之崇之遂趨成都成都
府安撫使楊輔下令稱提錢引大書開禧之號會崇之
至乃議舉兵誅曦董鎮以偽命至成都復為潼川知府

費士寅所殺 庚子彭輅奔襄陽 癸卯嚴進引兵入

成都 甲辰陳孝慶奪三官 二月戊申雪 甲寅竄

商榮 己未吳曦反書聞 以楊輔為四川制置使

葉適兼江淮制置使 不雨 庚申罷諸路添差冗員

戊辰皇子塢生 庚午金人去襄陽壬申上以金人


退始御正殿復膳 安丙誅吳曦四川平先是正月興

州中軍正將李好義與其徒謀舉義二月監興州合江

倉楊巨源至興州與丙謀丙喜明日始出視事興州進

士楊君玉引楊巨源以見李好義皆謁安丙遂定議君
玉與白子申共草密詔其略曰惟干戈省厥躬既昧聖
賢之戒雖犬馬識其主乃甘仇敵之臣邦有常刑罪
在不赦二十九乙亥未明誅曦於偽宮軍士李貴斬曦
首楊君玉宣密詔安丙權宣撫使巨源為參贊軍事先
是朝廷賜安丙帛書諭以能殺曦報國不次推賞雖
二府之崇亦所不吝於是曦已誅而朝廷未知也 三
月丁丑誅受偽命人徐景望 丁亥趙彥呐誅曦將祿

禧於夔州庚子誅吳曦露布至相 丙寅贈呂祖儉朝
奉郎直秘閣官其子一人 丁卯詔改明年元 四川
宣撫使科別糴米是歲以建康鎮江三務場徑隸提領
四川初行小會子



續宋編年資治通鑑卷十三

欽定四庫全書

史部

續宋編年資治通鑑卷十四

詳校官編修_臣謝振定

侍讀_臣孫球覆勘

總校官編修_臣王燕緒

校對官主事_臣陳文樞

謄錄監生_臣王宮

欽定四庫全書

續宋編年資治通鑑卷十四

宋 劉時舉 撰

宋寧宗三

戊辰嘉定元年春正月諫臺葉時等言侂冑專政無君
罔上不道乞梟其首願置之淮甸積屍叢冢之間以謝
天下上未欲輕從先是金求韓侂冑函首至是詔三省
樞密院詳議仍詔韓侂冑定策功命史官改正詔

直言 壬辰史彌遠知樞密院事 許奕使金為通謝

使 戊申追復趙汝愚觀文殿大學士謚曰忠定 壬

子賑流民 甲寅雪 戊午再竄程松 甲子罷劉德

秀遺表贈官 郴州黑風洞寇為亂 三月詔曰奸倖

弄權相與同惡上下交利賄賂通行監司郡守並相倣

倣貪婪無厭狼籍已甚繼自今各務精白一心其有緣

公濟私尚為故態必罰無赦 復秦檜王爵贈謚以復

議講和故也 辛卯詔梟韓侂冑首於兩淮先是王柟

自軍前還行在議以韓侂冑函首事易淮陝侵地諸司百官詳議議者皆言和議重事待此而決姦凶已斃之首又何足惜是日詔臨安府令副將尹明斲棺取首送江淮制司仍諭諸路安撫制司以函首事

議曰庶人之讐釋禮記者猶可盡五世矧有天下者乎齊襄復九世之讐春秋大之我宋之於金不共戴天之仇也侂冑無謀浪戰固可罪矣然乃至於函首乞和何也當時太學諸生之詩曰晁錯既誅終叛漢

於期已入竟亡燕此但以利害言耳蓋未嘗以名義
言也譬如人家子孫其祖父為人所殺其田宅為人
所吞有一狂僕佐之復讐謀踈計淺迄不能遂乃歸
罪此僕還之讐人使之甘心焉可乎哉

丁酉謝奕使金為通謝使 汰鎮淮軍 是春皇子埶
生 利州兵老小喧闐 夏四月詔科別羣臣奏疏可
行者以聞 上以彭龜年常權臣用事之始首能折其
奸萌可贈龍圖閣直學士諡忠肅又以呂祖泰上書忤

侂冑配欽州與改正罪名特授迪功郎 壬申雨雹

早詔決繫囚 甲申詔皇子侍立朝殿 丁酉詔求言

五月親試舉人賜鄭自成等四百二十有六人及第

甲子太白經天 蝗 六月庚午金人歸大散關

辛未歸濠州 乙亥衛涇罷 甲申簽書林大中薨於

位 丙戌詔舉邊守 秋七月癸丑丘富同知樞密院

事 甲寅許奕使回 八月辛未同知丘富薨 侍從

臺諫兩省詳議會子折閱利害 辛巳婁機同知樞密

院事樓鑰簽書樞密院事 丙戌詔考訂監司守令所條

民間利害擇其可行者以聞 甲午賑江淮流民 九

月金國諭成使完顏侃僑宇入見詔以和議成諭天下

呂中曰和戎國家之不得已也然必先折其氣而後

可以要其成真宗鑾輿親征達蘭授首我是以有紹

興之和今也嘉定之和敵有求於我歟我有求於敵

歟彼欲得權倖之首則與之彼欲增歲幣之數則與

之屈已而和皆由於我敵人巧詐能無易我之心乎

未及數朞渝盟犯順三邊瘡痍生靈魚肉然則和議詎可恃耶是必有以任其責者矣

乙丑大風 背寇軍謀為變有告變者乃捕為首八人誅之 冬十月錢象祖為左丞相史彌遠右丞相雷孝友知樞密院事兼參知政事樓機參知政事樓鑰同知樞密院事 己卯褒錄慶元上書楊宏中等六人 趙崇

憲奏乞辨雪父汝愚讒誣等事有旨蔡璉著除名加配十一月四川收兌九十界錢引 庚子四川初行當

五錢 戊午史彌遠丁母喪皇太子請賜彌遠第於行
在令就第行服許之 乙丑李大用謀為變不克 丙
寅錢象祖罷 貶李沐再奪三官 己卯黎州蠻蓄卜
寇邊 金主璟死允濟立

己巳嘉定二年春正月詔內外條陳節用事 丁巳樓
鑰參知政事張良能同知樞密院事宇文紹節簽書樞
密院事 庚申詔舉監司郡守 二月庚午黎州蠻蓄
卜寇邊 壬午詔稱提楮幣之策 丁亥罷法科試經

義 戊子大風 熒惑入太微垣 三月丙申雨雹

庚申恤流民 夏四月蝗 戊辰汰淮襄忠義民兵歸

農 辛未詔條明堂冗費 都城疫 戊子賜楊震仲

謚曰節愍 五月史彌遠起復右丞相 早詔決繫囚

仇胄黨人羅日愿謀為變磔於市 侍從兩省臺諫

各舉有政績才望者二人以補郎官之闕 蝗 癸丑

詔以戶口為殿最 甲寅拘回田會 旱 秋八月甲

子行鐵錢於沿江八州 乙丑安丙為四川制置大使

罷宣撫司為制置司 甲戌冊皇太子 己卯黎州蠻

寇邊 丙戌賑兩淮饑民 九月辛丑合祭天地於明

堂赦天下 丙午增太學內舍生十員 冬十月丁亥

補京湖廂禁軍 十一月張林等謀作亂不克 甲午

修浙西水利 乙未雪以歲饑罷宴 郴州黑風峒寇

李元礪作亂 十二月賜李顯忠謚曰忠襄 賜朱熹

謚曰文忠

慶元以來權倖擅朝偽以排天下之正學黨以空天

下之名流人心憤鬱久矣今權倖誅殛天日開明海
內翹首以觀惟新之化而聖意首舉節惠之典於文
公一時學者知所趨向矣豈非吾道之幸哉

乙亥詔諸州毋糴職田租 是歲諸路旱蝗 揚楚
衡郴吉州南安軍盜起 關外諸將私役諸軍

庚午嘉定三年春正月詔招諭羣盜 詔戒監司守令

丙午雨土 癸丑雷 二月黎州蠻復寇邊至冬青

羌奴兒結之子曳失索降 丁卯配籍賊吏 壬午命

王居安督捕洞寇 三月丁酉蠲逋負 捕殺楚州賊

首胡海 久雨 夏四月李元礪犯南雄州十一月迫

贛州南安軍十二月就擒 丙寅詔恤殘破州縣 戊

辰賑行在軍民 五月詔去年旱蝗百官應詔封事兩

省擇可行者以聞 乙巳命督捕海寇 戊申經理兩

淮屯田 庚戌以江陵忠勇軍隸御前 久雨命賑貧

民 朱熹贈中大夫寶謨閣直學士 贈處士蔡元定

迪功郎制曰士之遇不遇命也其或擯斥於生前而獲

伸於死後天理昭昭未久而不定者爾學問有源操
履無玷杜門著書初無預於世故不幸見誣亦遭遠謫
今是非已定爾則殂矣其贈以官慰爾泉下死雖莫贖
尚知享哉 六月丁巳朔日有食之 己卯詔核實軍

籍 秋七月辛卯禁增廣園田 癸卯定南班宗室員

八月乙亥大風拔木 是月臨安府蝗 詔三衙江

上詣軍陞差將校必以材藝年勞 冬十月乙丑詔四

川總領所毋受宣撫司節制 壬申雷 十一月癸巳

賞楚州平賊功 乙巳議收浮鹽 十二月丙辰詔安
集流民 戊午樓機罷 京尹趙師異罷時有武學生
犯事師異撻之逐出國門諸生訴之遂罷

辛未嘉定四年春正月叙州蠻攻陷利店寨 詔安集

殘破諸州 二月乙卯誅李元礪以羅世傳擒元礪功

授武翼郎乞換文資乃授通直郎 丙子雹 辛巳罷

廣西諸州牛稅 閏二月丁未大風 三月都城疫

劉世雄為沔州將謀據仙人原為亂事覺伏誅 叙州

蠻犯籠鳩堡 夏人叛金夏人始為韃靼所攻遣使求
救於金人金主允濟新立不能救韃靼至興靈而反夏
人恨之遂叛 韃靼國入貢金國金主允濟欲襲之金
之紂軍有詣韃靼告其事者韃靼疑未信言者再至韃
靼遣人伺之得其實遂遷延不進 夏四月兩浙福建
州縣禁折鹽酒 四川關外旱 禁諸軍虛數冒請
四川置安邊司以經制蠻事俾李夏季允與許奕子然
共領之 五月戊辰親試舉人趙建大四百六十有五

人眉人史公亮呂天應援李僑故事請掛冠詔循故事
即致仕 劉燭輪對乞開偽學禁 秋七月壬戌太白

晝見

韃靼國兵攻金人命江淮荆湖四川謹邊備

韃靼國兵與金人戰於灰河凡三日勝負未決青吉斯
皇帝選精騎三千馳擊之金人大敗金帥執中以百騎
奔還韃靼國兵至翠屏口金人又大敗九月攻奉聖州
後二日破之進軍野狐嶺金人又敗十月韃靼兵至晉安
縣距燕京百八十里 八月辛丑雷 九月辛酉雷

叙州蠻寇邊 乙亥羅世傳為其黨所殺 冬十月己

卯朔更定玉牒凡例 十一月己酉朔日有食之 癸

丑賞平峒寇功 十二月體訪會子價 是月竄張鎡

壬申嘉定五年春正月詔諸路通行兩浙倍役法 壬

申李好義以誅吳曦功賜諡忠壯 韃靼國兵至居庸

關金將完顏福棄關遁金主允濟以細軍五千自衛欲

奔南京會細軍自相激厲誓死迎敵韃兵損折頗多遂

斂兵 二月壬午詔罷軍興以來借補官 三月庚戌

叙州蠻酋米在降 久雨詔決繫囚 丙子申嚴捕盜

改官 五月庚午詔諸路坑冶州以通判縣以令丞主

之 癸酉南安國王李龍翰卒子昊昷嗣之 詔州縣

見役人毋納免役錢 六月己酉禁銅錢過江 秋七

月庚申賞降叙州蠻功 戊辰雷雨毀太廟屋詔避殿

減膳 九月丙午太白晝見 己酉續編中興禮書成

庚戌遵義寨夷楊煥來獻馬 辛未罷沿海諸州海

船錢 是月四川復榷石脚井鹽 冬十月詔諸路總

領官歲舉將帥二人安撫提刑舉將材二人 詔侍從
臺諫兩省集議釐正光宗配饗功臣 戊戌雷 十一
月壬戌日南至祀天地於圜丘大赦天下 十二月蠲
濠州稅一年 壬午詔諸路轉運司參政州縣新舊稅
籍蠲其橫積之數 收兌第五界舊會

癸酉嘉定六年春正月宇文紹節薨 詔侍從臺諫兩
省官帥守監司各舉人才一二人 二月丁丑太白晝
見 丙戌上吏部條法總類 丁亥雪 乙未詔宗室

母與胥吏通姻 十一月參政樓鑰罷 夏四月丙子

章良能參知政事 甲午復法科試經義 五月不雨

詔釋繫囚 丁卯措置四川支移錢物 戊辰修寬恤

詔令 六月諸州未決之訟詔刑部歲終上於尚書省

擇其最久者罪之 丁丑董居誼使金值金國亂而回

丁亥復監司減否守令及監司郡守舉廉吏所知法

丙申詔諸軍主帥各舉堪為將帥者二三人 秋八

月詔諸路監司帥臣各舉所部官吏才行卓絕績用彰

著者 庚午知思州田宗範謀作亂夔州安撫司討平之 金人弑其主允濟豐王珣立韃人攻金金國內亂詔四川謹邊備真德秀使金中道而回九月韃靼國兵至紫荆關距燕京二百里金副元帥舍哩執中欲誘其兵南至涿易乃聚兵擊之韃靼破涿易至皂河之內欲渡橋執中方病足乘車督戰韃兵大敗翌日再戰執中瘡甚不能出遣高琪以糺軍五千拒之失期不至執中欲斬之金主珣以其有功諭令免死執中益其兵令出

曰勝則贖罪敗則誅無赦高琪出戰自夕至曉忽北風大作吹石揚沙不能舉目高琪軍大潰自度必為執中所殺遂引亂軍圍執中之府突入其卧內殺之於是青吉斯皇帝留其將薩木哈圍燕京而自將所降楊伯遇劉伯林漢軍四十六都統同韃靼大軍分為三路攻取河北河東諸州郡是時中原諸路之兵皆簽往山後一帶防禦無兵可守悉簽鄉民為兵上城守禦韃靼盡驅其家屬來攻父子兄弟往往遙相呼認至是人無固

志所至郡邑望風而降自冬至明年春破金人九十餘
郡 甲辰蠲京湖逋負 三省樞密院向以小使臣為
之監門官至是命京朝官為之 閏九月戊辰詔御史
臺考課監司 湖北路旱傷詔監司守令賑恤 癸巳
乙未凡二日大雪乃下罪己詔 十一月虛恨蠻寇中
鎮寨 十二月蠲瓊州丁鹽錢 是歲兩浙大水賑之
甲戌嘉定七年春正月丁卯朔何九齡襲泰州大敗沔
州都統王大才妄啟邊釁斬之 甲戌夜濠州鍾離縣

北岸有三騎渡淮而南出文書一囊絹畫地圖一冊云
是韃靼國遣來納地請兵守臣以不奉朝旨卻之時韃
靼國勢實已強大但居其故地而於燕雲置行省命其
大臣薩木哈領其事焉 丁丑雷 參政章良能薨

乙未黎州蠻卜籠十二骨降 三月丁卯安丙同知樞
密院事今日下起發赴院治事六月癸丑安同知自廣
安順水赴行在至近畿除觀文殿學士知潭州丙知朝
廷疑已乃上疏力辭不允乃遣官賁結局冊赴行在

董居誼為四川制置使 庚辰金人來督二年歲幣

壬辰詔利州路安撫節制本路軍馬 夏四月癸卯蠲福

建納鹽 癸丑馬榷襲殺虛恨蠻庫崖等 辛酉詔三

衙江上四川諸軍具士馬實數以聞 五月丁丑太白

經天 乙酉親試舉人賜袁甫等五百四人及第出身

有差 壬辰有司考課祿之制裒類成書以為法式

六月旱 丁巳置嘉定府邊丁二千人 秋七月鄭昭

先簽書樞密院事兼權參知政事 乙亥燕京乏糧金

主告遷於南京 夏人來議夾攻金人恢復故疆董居
誼初入蜀不之報 八月癸巳朔罷關外四川所增方
田稅 癸卯復建宗學 金人復來督歲幣 真德秀
請絕金人歲幣上書曰竊聞女真以韃靼侵凌徙巢於
汴此吾國之至憂也蓋韃靼之圖滅女真猶獵師之志
在得鹿鹿之所走獵必從之既能越三關之阻以攻燕
豈不能絕黃河一帶之水以趨汴臣恐秋風一生梁宋
之郊已為戰場矣使韃靼遂能如劉聰石勒之在中原

則疆場相望便為隣國固非我之利也或如耶律德光之不能安中土則姦雄必將投隙而取之尤非我之福也今當乘金之將亡而亟圖自立之策乎抑幸金之未亡而姑為自安之策乎夫用忠賢修政事屈羣策收衆心者自立之本也訓兵戎擇將帥繕城池飭戍守者自立之具也以忍恥和戎為福以息兵忘戰為常積安邊之金繒飾行人之玉帛女真尚存則用之於女真強敵更生則用之於強敵此苟安之計也陛下以自立為規

模則國勢日張人心日奮雖強敵驟興不能為我害陛下以苟安為志嚮則國勢日削人心日媮雖弱國僅存不能無外憂 九月壬戌朔日有食之 太白晝見

癸亥雷 久雨詔釋囚 冬十月廢邛州嘉定監 命四川監司郡守辭見如舊制 十一月聶子述使金賀正旦 黎川蠻蓄卜始降

乙亥嘉定八年春正月詔舉將才 戊子申嚴金翠禁 二月丙午雷孝友罷 蠲逋負米貸其囚繫 己未

雨土 三月辛酉詔舉廉吏大郡歲舉二人小郡一人
旱 五月辛酉韃靼國兵破燕京去年韃人圍燕京
是春金國東平之役兵五次遇韃軍不戰而潰大名之
兵八千至固安亦潰惟真定之兵四萬合保涿援兵一
萬至旋風寨與韃兵戰凡二日糧絕而敗內外不通至
是破之燕京宮室為亂兵所焚火月餘不滅 辛未雨
已卯命利州路招忠義人 甲申詔賊吏毋減年參
選 秋七月庚申置三省樞密院架閣官 辛酉鄭昭

先參知政事曾從龍簽書樞密院事 壬戌立楊巨源

廟賜名褒忠旌誅吳曦之功也 八月己丑賜張栻謚

曰宣 庚子申嚴宗子訓名法 蘭州盜程彥暉求內

附四川制置使董居誼却之 九月辛未合祭天地於

明堂赦天下 乙亥申嚴浙西圍田禁 甲申罷四川

試法科 韃靼國兵破潼關國兵自河東渡河攻潼關

不能下乃由嵩山小路趨汝州遇山礮輒以鐵鎗相鎖

連接為橋以渡於是潼關失守金主急召花帽軍於山

東十月韃兵至杏花營距汴京二十里花帽軍急敗之
韃兵復取潼關自三門析津乘河水合布灰引兵而渡
自是不復出金人專守關輔然陝西諸州間亦有為所
破者燕南雄霸數州乃三關重地塘灤深阻韃兵不能
入又有遼東宣撫守蕭萬據遼東七路韃兵不能下金
主南遷之後累遣使詣韃靺國求和其主欲許之謂曰
譬如圍場中獐鹿吾已取之矣獨餘一兔汝數年不能
取盡遂捨之其臣薩木哈不從遣人諭金主曰汝欲議

和可去帝號稱臣封汝為王金之羣臣不從有言於其
主曰願以死雪國耻者金自稱帝至是九十有八年而
失國兩河既破山東畔之金人東阻河西阻潼關地勢
益蹙遂有南窺淮漢之謀矣 是歲兩浙江東西旱蝗
丙子嘉定九年春正月乙丑賜呂祖謙謚曰成 命諸
州置馬軍司水軍 二月甲申朔日有食之 丙申雪

辛亥東西兩川地凡四日大震 三月丁丑詔舉監
司 夏四月戊戌秦州唐進引衆十萬來歸四川制置

使董居誼却之 五月癸酉太白晝見 六月戊申賑

浙西水 西川凡三日地震黎州山崩 秋七月詔以

邊縣擇才不拘常法其餘並遵三年之制詔邊縣官許
起復 冬十一月癸亥命利路備邊 十一月癸丑以

宗學隸宗正寺 丁巳雪給諸軍錢 乙丑遷天水軍

於舊天水縣置知軍以下官 江東計度轉運副使真

德秀附奏論邊事臣竊見金人自失國南遷其勢日蹙

比者韃靼與西夏并兵東出潼關深入許鄭敵庭危迫

之狀見於偽詔所云近復傳聞敵兵攻圍都邑遊騎布滿山東雖探報之辭不無同異要其大勢以河南數州僅有之地而抗西北二國方張之師加以羣盜縱橫叛者四起危急如此不亡何待臣謹按國史女真叛遼在政和之四年甲午歲其滅遼也在宣和之七年乙巳歲是年即犯於中原臣竊謂今日天下之勢無以異政宣之時陛下亦宜以政宣為鑒夫以皇皇鉅宋八葉重光至於政宣燕安湛溺之餘紀綱蕩然無一足恃本根既

撥枝葉從之於是女真得以逞其凶殘攻陷我都城傾覆我社稷劫遷我二聖荼毒我蒸民自開闢以來外裔之禍未有若是之酷也臣嘗妄論政宣致禍之由其因有十失自蔡京倡豐亨豫大之說王黼開應奉享上之門專以淫侈蠱上心奢靡蠹國用土木之功窮極盛麗花石之貢毒遍江南甚至內庭曲宴出女樂以娛羣臣大臣入侍飾朱粉以供戲笑於是荒嬉無度而朝政大壞矣其失一也自童貫高俅迭主兵柄教閱訓練之事

盡廢上下階級之法不行潰敗者不誅而招以金帛死
敵者不卹而誣以逃亡是賞罰無章而軍政大壞矣
其失二也政宣之世災異數見火星如月徐徐南行日
黯無光洶洶欲動赤氣犯斗水冒都城當時羣臣恬不
知警方且以怪孽為嘉祥變異為休徵此上不畏天戒
其失三也政宣之際以言為諱張根論征斂之煩散官
安置李綱論大水之變遠謫監征於是薦紳不敢言矣
鄧肅以進詩諷諫屏出太學朱夢說以冒言官寺竄斥

偏州於是布衣不敢言矣鉗結成風馴致禍敗此下不
卹人言其失四也政宣用事之臣專以毀忠忌賢為事
凡累朝老成之望當代鴻碩之材不以姦黨廢則以邪
說斥不以曲學貶則以異論逐排沮挫抑之餘舉國無
君子矣雖欲久安得乎其失五也開國成家小人勿用
而難任人蠻夷率服政宣之世京黼繼尸宰柄貫攸濫
廁樞庭其翱翔臺省布列館殿非歌頌書生即膏粱子
弟非奴事閹尹即翼附權臣更引迭援在廷皆小人矣

雖欲勿危得乎其失六也記曰四方有敗必先知之此之謂民之父母政宣小人專為蒙蔽以欺上聽劉法敗死西陲而童貫乃以捷聞方臘破東南六郡而王黼匿不以告郭藥師反形已露而邊臣掩覆於外女真尅期入寇而大臣諱飾於中上下相蒙稔成大患至敵兵濟河而朝廷猶未之覺其失七也書曰民惟邦本本固邦寧政宣小人專務聚斂以搖根本朱勔以貢奉擾浙右李彥以括田困京東蔡京改鹽鈔法而比屋嘆愁王黼

創免夫錢而諸路騷動人不聊生散為盜賊雖徼外患亦必有蕭牆之憂其失八也詩曰無競唯人四方其訓之古者以一士寢敵謀片言折外侮政和初遣使覲國而童貫實行遼之君臣相顧竊笑已有南朝無人之譏北事既興遂付戎律以僕隸之才當元戎之任節制不明諸將無所稟畏庸懦不武敵帥得以憑陵未幾副之以蔡攸易之以譚禎其為驚怯又益甚焉於是女真知中國之無人而異志興矣此授任非材其失九也昔子

產以葢爾之鄭崎嶇強國間區區一環宜無愛於晉而子產則曰大國之人令於小國而皆獲其求將何以給之一共一否為罪滋大大國之求無禮以斥之何饜之有卒不與秦求地於趙趙欲與之虞卿曰王之地有盡而秦之求無已以有盡之地而給無已之求其勢必無趙矣趙用其計而秦不能加蓋有國者不幸與強敵為鄰當有以服其心而不當徇其欲女真與遼國交兵雖能每戰輒克然視吾中國之尊如高山大海未易測其

雄深何敢遽有他志不幸姦臣腐夫希功寡謀唯恐無以順適其意彼方邀吾歲幣則予以契丹舊數而不辭邀吾燕地賦稅則予以銀絹百萬而不靳至於索犒師則許以犒師欲貸糧則許以貸糧一事方酬而一事已生前請未塞而後請復起一切承順無敢或戾而南牧之師已侵尋於境上矣蓋敵人之求本無饜足徒知徇其欲而無以服其心其禍固應爾也或者唯以納張瑄結余覩為造釁之由而不知召侮取輕其漸非一雖微

結納之事其能保盟約之不寒乎此處置失宜其失十也今一人憂勤恭儉無愧仁祖之風而羣臣盤樂怠傲乃有宣和之習東南民力耗於軍餉者十八而士卒窮悴常有不飽之嗟災異頻仍修省之實未覩言路壅塞讜直之士弗容君子非不參用而正論未嘗獲伸小人非不欲遠而讒諂猶或得志蒙蔽之風日熾聚斂之政日滋此失未除臣恐後之視今猶今之視昔也

續宋編年資治通鑑卷十四

欽定四庫全書

續宋編年資治通鑑卷十五

宋 劉時舉 撰

宋寧宗四

丁丑嘉定十年春正月辛巳雷 癸巳雨土 乙未大
風拔木 二月庚申地震 壬戌雪 夏四月金人犯
光州中渡鎮執榷場官盛允升殺之犯樊城都統王守
中引兵戰却之金人遂分兵圍棗陽光化廬州鈐轄王

辛敗之於光山縣之安昌寨殺其統軍完顏掩隨州光
化軍皆以捷聞金人遁歸 李珣江淮制置使趙方京
湖制置使詔措置調遣仍聽便宜董居誼四川制置使
命酌量緩急便宜行事 久雨詔釋囚 五月甲申親
試舉人賜吳潜等五百二十三人及第出身有差 癸卯
趙方請下詔北伐遂傳檄招諭官吏軍民 六月庚戌
太白晝見 戊午詔厲將士詔略曰朕厲精更化一意
息民勅敵跨我中原天厭久矣狡兔失其故穴人競逐

之豈不知機會可乘讐耻未雪念甫伸於信誓實重起
於兵端若能立非常之勲則亦有不次之賞尚其聽命
朕不食言 辛未東川大水 癸酉太白經天 秋七
月丙子朔日有食之不雨釋諸路杖以下囚 甲申雅
州蠻復寇邊焚碉門寨遣官軍討之 庚子罷軍士淫
刑 八月乙丑詔監司郡守各舉威勇才略可任將帥
者二人 冬十月久雨 十一月丁丑大風 庚辰太
白晝見 甲申詔浙東提舉司出米十萬石賑給貧民

戊戌太白經天 十二月戊申以軍興故募民納粟

補官 乙卯詔武舉毋應文舉 金人犯四川迫湫池

堡陷天水軍守臣黃炎孫遁金人破白環堡迫黃牛堡
至大散關統制劉雄弃關遁金人據關

戊寅嘉定十一年春正月京東忠義人李全率衆來歸
詔以為京東路總管 戊子金人圍皂郊堡二月陷皂
郊王師與戰勝負半之死者五萬人四川制置司招忠
義復皂郊二月利州統制王逸等率官軍忠義人收復

利州 麻仲率忠義人焚秦州永寧寨詔四川忠義人
立功其賞視官軍 金人犯隔茅關興元都統李貴遁
而軍大潰 二月金人焚大散關而去 金人攻陷湫
池堡圍隨州棗陽軍遊騎至漢上均州守臣應謙之棄
城走金人糧舟棄大清河楚州鈐轄梁招祖焚其舟京
東忠義副都統沈鐸遣兵助之金副統制完顏贊包長
壽遁去沔州軍士郭雄追斬贊首而還長壽僅以身免
丙辰白虹貫日 三月忠義人十萬出攻秦州官軍

繼進至赤谷口忽王逸傳劉昌祖之命退師而忠義軍
遂潰 癸巳金統制包長壽合長安鳳翔之衆復攻皂
郊不克引兵趨西和州劉昌祖焚西和州而遁守臣楊
克家棄城去昌祖又焚成州守臣羅仲甲亦棄城去戊
戌金人陷西和州至四月金人去成州又去西和州

夏四月鎮江忠義統制彭惟城等敗於泗州 命四川
增印錢引五百萬以給軍費 階州守臣侯頤遁 戊
午金人犯大散關守將王立遁興元都統吳政至大散

關執立斬之 己未犯黃牛堡吳政引兵與戰金人遁軍聲
大振是冬賞吳政張成功各進三官竄劉昌祖羅仲甲楊
克家以正棄城之罪 五月乙亥命四川制置司招集忠義
人 癸未蚩尤旗見其長竟天 壬辰嚴試官七等之制

六月湖州水詔恤貧民 秋七月乙酉修孝宗寶訓 辛卯

蠲四川關外諸州稅役 甲午蠲光州民兵戰死之家稅

役 九月辛巳合祭天地於明堂赦天下 十一月戊午大

風 壬申金人犯安豐黃口灘 陝西人張羽來歸

己卯嘉定十二年春正月戊辰朔召董居誼赴行在以
聶子述為四川制置使 庚辰金人犯湫池堡守將石宣戰
却之甲申攻白環堡守將董招戰却之戊子犯成州越四日
焚成州而去沔州都統張威自西和州退守仙人原庚寅犯隨
州棗陽軍又破信陽軍之二寨京西諸將引兵拒之辛
卯犯西和州守臣趙彥呐設伏待之金人大敗而還犯
安豐軍建康都統許俊遣將拒之犯河池守將張斌遁
去癸巳攻光化軍破勛山縣進逼均州圍安豐軍及滁

濠光州江淮制置使李珣命池州都統制武師道忠義
軍都統制陳孝忠舉重兵赴援金人不能進甲午陷鳳
州守臣雷震棄城去州民與之巷戰乃夷其城乙未犯
黃牛堡吳震戰死金人乘勝攻武休關二月戊戌朔
金人破光山縣太白晝見壬寅圍壽陽軍京湖制
置使趙方遣統制扈再興為援金人乃解圍癸卯破
黃牛堡興元都統李貴遁還利路權興元府事趙希哲
棄城去丁未陷興元府己酉遣殿前司軍凡八千人

防捍江西 庚戌曾從龍除同知樞密院事兼江淮宣撫使 任希夷簽書樞密院事 辛亥金人陷大安軍

守臣李文子棄城去又分兵犯來州守臣蔡晉卿遣兵拒之不克而城陷沔州統制石宣擊金人於大安軍大破之金將巴圖魯棄軍走為我師所獲金人聞之遂遁去三月金人焚洋州城而歸 壬子四川制置董居誼自利州遁去奪本官永州居住 丁巳京湖制置使趙方遣統制扈再興等引兵三萬餘人分道出攻唐鄧州

隨州忠義軍劉世興鄂州都統劉世榮各以兵來會

乙丑西夏來議夾攻金人利路安撫丁燦許之乃以事

聞六月丁燦以書與夏人定約 三月己巳鄭昭先知

樞密院事曾從龍參知政事 乙亥興元軍士權興等

作亂犯巴州守臣秦季禎遁凡十二日而興降 丁亥

太白晝見 甲午金人自盱眙退師 閏三月己未雷

震棄城竄梅州 辛酉旌吳政死節贈忠州刺史 壬

戌詔諭四川官軍忠義人 癸亥興元軍士張福莫簡

等作亂以紅巾為號四月入利州制置聶子述遁總領
財賦楊九鼎為所殺由是掠閬州及果州五月逼遂寧
府攝府事程遇孫棄城去福焚其城四川宣撫司命沔
州都統張威捕之福入普州守臣張己之棄城去福屯
於普州之石山庚午威屯兵茗山凡十四日莫簡自殺
福請降威執之以歸於宣撫司誅之 金人圍安豐軍
及滁濠州乃分兵自先州犯黃州之麻城自濠州犯和
州之石碛自盱眙至滁州之全椒來往揚州之天長真

州之六合淮南流民渡江避敵諸城皆閉金人遊騎數
百至東采石楊林渡建康大震命京東總管李全自楚
州忠義總轄季先自漣水軍各引兵來援金人乃遁去
全擊敗之於曹家莊斬其首數千獲其貴將或以為金
主女婿云 四月曾從龍罷鄭昭先兼參知政事安丙
為四川宣撫使 五月召聶子述降兩淮荆襄湖北利
州路沿邊諸州雜犯死罪囚仍蠲今年租稅 太學生
何處恬論尚書胡榘欲與金人議和請誅之以謝天下

詔舉文武可用之才 六月丙子太白晝見辛巳太

白又晝見西川地震 丁亥金人以書招李全全却其

書癸亥京東總管李全舉兵至齊州金守臣王贊以城

降十一月京東路帥司言克復京東河北二府九州四

十縣 八月合利州東西為一路 九月丙午以李大

東為沿江制置使趙善湘主管淮西制置司公事賈涉

主管淮東制置司公事兼節制京東河北路軍馬 十

一月乙亥築興元府城 丁丑雅州蠻入廬山縣 己

知四川宣撫司議出師取洮州招諭中原豪傑官民勸以歸附會乙酉金人犯鳳州之長橋乃引兵出援命罷洮州之師 己丑京湖制置司遣統制扈再興等引兵六萬人分三道取中原 庚寅賞茗山捕賊功

庚辰嘉定十三年春正月京湖制置司統制扈再興引兵攻鄧州鄂州都統許因攻唐州不克而還金人追之遂寇樊城荆湖制置趙方督諸將大破之金人遁 己亥雅州蠻復掠廬山縣 戊午夏人復以書來四川議

夾攻 三月辛卯雨土 丁巳黎州土丁叛 夏四月

淮東制置賈涉招諭山東兩河豪傑勸以來歸 戊戌

史彌遠上二祖下第七世宗藩譜系錄 六月癸酉親

試舉人賜劉渭以下四百七十五人及第出身 安丙

為少保 丙子以李全為左武衛大將軍 季先除漣

水軍忠義副都統命赴樞密院奏事未至殺之 秋七

月以京東河北諸州守臣空名告身付京東河北節制

司以待豪傑之應者 任希夷兼參知政事 癸亥皇

太子薨謚曰景獻 八月壬申四川宣撫使安丙遣夏

人書定議夾攻金人 甲申復海州以徐晞稷知州事

盱眙將石珪叛入漣水軍詔即以石珪為漣水軍忠

義總轄 九月辛卯夏人引兵圍鞏州且來趣師王仕

信引兵發宕昌甲午太白晝見乙未四川宣撫司統制

質俊李實引兵發下城戌四川宣撫司命諸將分道

進兵沔州都統張威出天水利州副都統程信出長道

興元副都統陳立出大散關興元統制田胃出子午谷

金州副都統陳昱出上津己亥張威下令所部諸將毋得擅進兵而諸將遲疑不進壬寅質俊等敗金人於定遠城乙巳程信王仕信引兵與夏人會於鞏州城下攻城不克九月信引兵趨秦州丙辰夏人自定遠退師十月丁巳朔程信邀夏人引兵共攻秦州不聽遂自伏羌城引軍還諸將皆罷兵 九月甲午太白晝見 金人犯皂郊堡沔州統置董炤與戰敗績 冬十一月斬王仕信罷張威職名以不進兵故也 十一月詔刊正皇

帝日曆 庚戌大風 壬子臨安火 十二月壬申石

珪叛歸韃靼

辛巳嘉定十四年春正月丙戌朔雪 乙未雷 地震

李全自山東還乃犒師 庚子立四川運米賞格

二月戊辰金人圍光州己巳犯五關壬申治舟於團風

弗克濟金人圍黃州分兵破諸縣及漢陽軍丁丑李全

棄泗州遁還甲申詔淮東京湖諸路應援淮西防守江

面權殿司事馮榭援蘄黃榭遷延不進 三月扈再興

引兵攻唐州不克尋引所部趨蘄州李全自楚州引兵
來援淮西 長星見 金人犯黃州守臣何大節棄城
遁自沉於江金人犯蘄州守臣李誠之戰敗城陷殺其
妻子奴婢然後自殺官屬多死之金人退扈再興邀擊
於天長鎮金人大敗次日大戰斬首數千四月李全自
臨淮追擊之殲其大半 四月乙卯復置諸王宮大小
學教授 乙丑命任子簾試於御史臺 五月甲申朔
日有食之 史彌遠上孝宗皇帝寶訓皇帝會要 丙

申西川地震 六月甲寅朔沿江制置司置副使於鄂

州 丙寅立貴和為太子賜名竑封祁國公

即濟王

辛

巳大風 秋七月丁亥蒙國大將獻本朝皇帝恭膺天

命之寶詔禮官詳論受寶典禮以聞詔以來年元日受

寶於大慶殿 辛丑趙方為京湖制置大使賈涉為淮

東制置使 丁未修光宗寶訓 八月趙方卒 參政

任希夷罷 壬戌宣繪同知樞密院事 甲子立與莒

為沂靖王後賜名貴誠

即理宗皇帝

九月辛卯合祭天地

於明堂赦天下 冬十月京東河北節制司奏復滄州
詔以趙澤為河北東路鈐轄知州事 甲寅以齊州為
濟南府兗州為襲慶府 丙寅夏人復以書來四川趣
兵伐金 庚午雷 十一月癸未詔左翼軍受泉州節
制 己亥少保安丙薨 京東安撫張林叛以京東諸
郡降於韃靼人 韃靼國使噶哈齊蘇等來計事 十
二月庚申鄭昭先罷 閏十一月辛巳朔宣繪魚參知
政事俞應符魚權參知政事 殺華岳先是岳言時政

忤時相以殿前司同正將授岳後誣謀變殺之 賑諸

州水旱

壬午嘉定十五年春正月庚戌朔御大慶殿受寶赦天下
褒贈蘄州死事官吏官其子孫有差旌李誠之死
節立廟蘄州 丁巳招諭山東河北 甲戌陞鄂州武
昌縣名壽昌軍 三月賑江西旱傷 夏五月庚戌太

白晝見 甲寅禁州縣匿囚 丁巳皇子竑進封濟國
公 己未皇姪貴誠遷邵州防禦使 壬戌知濟南府

种贇等攻叛將張林於青州林遁去 己巳修孝宗經

武要略 六月辛卯權參知政事應符薨 秋七月甲子

詔條畫營田 八月己卯命戶部詳議義役 九月辛

亥宣繪參知政事程倬同知樞密院事薛拯賜出身簽

書樞密院事 癸丑雷大雨雹 壬戌彗見 辛未太

白晝見 冬十月丙子以忠義人收復京東州郡犒賞

有差 十一月戊午令京東河北路罪無輕重皆除之

十二月雪寒賑臨安府貧民 丁亥李全除保寧軍

節度使京東河北鎮撫節制司副使

癸未嘉定十六年春正月嚴賍吏法 己酉皇子坻生

踰月而薨 丁巳雷 辛酉命淮東制置司賑濟山東

流民 二月戊子雨土 三月京東河北路鎮撫司言

張林所部邢德來歸詔以德為京東東路副總管 丁

卯賑道州飢 夏五月戊申賜蔣重珍等五百四十九

人及第出身有差 六月壬午淮東制置賈涉卒 乙

酉同知程卓薨 秋八月辛巳詔州縣經界毋增紹興

稅額 癸未申嚴舶船銅錢禁 九月庚子朔日有食

之 冬十一月辛亥賑太平州水 十二月辛巳沿江

被水州募民入米補官 壬辰雷

甲申嘉定十七年春正月戊戌朔錄程頤後 命淮東

西湖北路轉運司提督營田 三月癸巳蠲台州逋賦

三月癸丑雪 金人迫西河州聞四川制置司軍至

乃引兵還 夏四月辛卯賑廬州饑詔本州賑糶 乙

未犒李全賜李全彭義斌錢三十萬緡為犒賞將士費

五月詔覈實兩淮京湖四川江上諸軍之數 六月

丁卯朔太白晝見經天 辛未皇孫銓生尋薨 癸酉

知西和州尚震午謀逆貶岳州 大名府蘇椿舉城來

歸詔知大名府 丁酉賑福建水 八月乙亥罷通州

天賜鹽場 丙戌上不豫 閏八月丁酉帝崩於福寧

殿年五十七諡曰仁文哲武恭孝皇帝廟號寧宗 楊


皇后史彌遠立貴誠為皇子進封成國公即皇帝位尊

皇后為太后垂簾聽政廢皇子竑降封濟陽郡王出判

寧國府

立理宗而殺濟王殆非寧宗之意也先是濟王書於
几上明言楊后之事云史彌遠當決配八千里左右
以告彌遠彌遠銜之時真西山兼王宮教聞其事遂
力辭去臨行謂王曰大王若能孝於慈母而敬於大
臣則天命必歸之矣寧宗疾革乃廢濟王其事實皇
后彌遠專之吁宋一代家法最正諸后最賢傳受最
明至寧宗之末楊后彌遠之惡濟邸之死理宗之立

而後所謂家法之正后德之賢遂掃地矣使潘壬潘
丙之謀成則彌遠將何所容其身哉然理宗之立猶
能撐拄五十年而後亡不可謂非幸也



續宋編年資治通鑑卷十五